



明
82
卷



集聖丸

蘆薈

五靈脂

夜明沙

砂仁

橘紅

木香

莪朮煨

史君子肉各貳錢

川連

川芎

乾蟾各參錢

當歸

青皮各壹錢半

因於虛者加人參貳錢白朮參錢去莪朮青皮
因於熱者加龍膽草參錢去砂仁莪朮因於吐
瀉下痢者加白朮貳錢肉果煨訶肉各壹錢伍分
去青皮莪朮因於積痛者加煨三稜川棟子肉

子通治一切疝

刀十八

七六



小蘗香各貳錢去當歸川芎 因於瘧者加鼈甲
醋炙參錢 因於蟲者加白蕪荑壹錢伍分川棟
子肉貳錢去當歸川芎 因於渴者加入參白朮
各貳錢去莪朮砂仁
右為細末用雄豬膽汁貳箇和麩糊為丸看大小
服米飲送下 此方乃十全丹去檳榔白豆仁加
黃連夜明砂砂仁不熱不寒補不致滯消不致耗
至穩至妥

疳積散 治瘵乳病乳夾乳夾食太病之後飲食失
調平居飲食過飽傷脾致成疳積面黃腹大小便

色如米泔大便瀉黃酸臭頭皮乾枯毛髮焦穗甚
至目澁羞明睛生雲翳形體骨立夜熱晝涼丁癸
哺露等證並用主之

厚朴 厚而紫色有油者佳去蘆皮切片
廣陳皮 去白為粉 粉甘草 去皮淨 真蘆薈 淨末各
蕪荑 真孔林大而去多白衣者 青黛 取顏料鋪
佛頭青 色者 百草霜 乃山莊人家鍋底
旋復花 淨末壹錢半

右件勻和成劑用 每壹歲用藥壹分用燈心湯
早上空腹時調服 服後病即愈當再用肥兒丸

調理如脾氣未實用啓脾丸或大健脾丸如疳
氣未盡用陳皮壹兩白木香叁錢白茯苓伍錢加
好平胃散叁錢陳米粥湯調服

疳眼方 用生雞肝壹具不拘大小二三歲者只用
半具外去衣內去筋膜研細如麵入疳積散若干
調極勻加好熟白酒厚薄相和隔湯頓溫熱空心
通口服用甜麴酒少加熟白酒亦佳 服至眼開
翳散方止

疳瀉痢紅白積滯用散子加黃連薑汁土炒肉果用濃
燈心湯稍加熟蜜少許調服 食積成疳砂仁湯

調服

集驗方治小兒疳氣不可療神效丹

綠礬用火煨通赤取出用醋
醋淬過復煨如此叁次

右細研用棗肉和丸如菉豆大溫水下日進二三
服

元和紀用經麝香丸 主小兒疳瘦面黃髮穗骨立

減食肌熱驚癇疳蟲

麝香研 蘆薈研 胡黃連末

右等分研勻滴水丸黃米大一歲三丸三歲五丸
至七丸人參湯下日三服無比奇效一方胡黃連

肆分餘二物各貳分療疳痢温瘧無比尤驗一名
聖九疳藥百數無如此者小兒癩癩驚風五疳三
蟲服之立見功效蚘蟲作疾枯瘁久痢不住熱藥
調護最難得法唯此若神經以四味飲黑散紫圓
至聖散五加皮治不能行蜀脂飲并此麝香圓七
方謂之育嬰七寶紫陽道士亦名保子七聖至寶
方專為一書者此是也

靈苑千金丸

治小兒一切疳久服令兒肥狀無疾

川棟子肉

川芎

各等分

右同為末豬膽汁和杵為丸如麻子大量兒大小

加減丸數每以飯飲吞下日二服常服三九至五
九張氏家傳丸如菜豆大分五分用朱砂青黛白
定粉光墨蜜陀僧名為五色丸非時進米飲下孔
氏家傳治疳熱下蟲方同用臘月乾豬膽膏為丸
如乾湯化動丸菜豆大十九十五丸肉湯下疳蟲
如髮便看即見稍遲即化

大醫局蘆薈丸

治疳氣羸瘦面色痿黃腹脇脹滿

頭髮作穗揉鼻咬甲好喫泥土痢色無定寒熱往
來目澁口臭齒齲爛黑常服長肌退黃殺疳蟲進
乳食

乾蝦蟇 以上貳味等分同燒存性 大皂角 為末每末壹兩入後藥

青黛 貳錢半研 蘆薈 研 麝香 研

朱砂 壹錢飛研各

右合研勻湯浸蒸餅為丸如麻子大三歲兒服二十丸不計時候温米飲下量兒大小加減

錢氏膽礬丸 治疳消癖進食止瀉和胃遣蟲

膽礬 真者壹錢為鹿末 綠礬 真者貳兩 大棗 拾肆個去核

好醋 壹升 已上四物同熬令棗爛如後藥

史君子 貳兩去殼 枳實 去穰炒參兩 黃連

訶梨勒 去核各壹兩並為鹿末 巴豆 貳枚去皮破之

已上五物同炒令黑約三分乾入後藥

夜明砂 壹兩 蝦蟇灰 存五分性壹兩 苦棟根皮 末半兩

已上三物再同炒候乾同前四物杵羅為末却同

前膏和入臼中杵干下如未成更旋入熟棗肉亦

不可多恐服之難化太稠即入温水可圓即圓如

菉豆大每服二三十丸米飲温水下不拘時

西京丁左藏蝦蟇丸 肥孩兒常服得効

乾蝦蟇 大者壹枚肚頭瓜淨洗酥炙令黃香 陳皮 去白貳錢半

胡黃連 壹兩 鬱金 蕪荑仁 各半兩

右為末於陶器內用豬膽汁和令稀稠得作於

飯上蒸熟為度取出半日丸如菉豆大常服五七
丸陳米飲下

張氏神麩散 治小兒諸般疳

神麩

陳橘皮不去

大黃紙裏炮熟

芍藥各壹錢

桔梗

川芎

厚朴薑汁製

枳殼去穰炒

白茯苓各貳錢半

人參壹錢半

甘草伍錢

右為細末每服壹錢入薑壹片如茶法煎服無時
治小兒一切疳肌膚消瘦瀉痢不止口鼻生瘡水穀
不化方

蝦蟆灰存性

白礬

烏賊魚骨炙

蜜陀僧各貳錢半

麝香壹錢貳分半

右為末煉蜜丸如菉豆大溫水下三九聖惠方同

但麝香用半兩莊氏第廿一候用此方

治小兒一切疳方莊氏第十四候用此方

蟾頭壹箇炙

膩粉

豆豉

蕪荑

黃連各貳錢半

右為末軟粟米飯為丸麻子大早晚米飲下三九

又方莊氏第十七候用此方及香連丸

薑薺

胡黃連

朱砂

青黛

麝香各貳錢半

蟾酥少許

右為末飯為丸如芥子大每服空心臨卧温熟水下五七丸

洪州張道人傳治小兒一十二種疳疔疳急疳風疳肉疳脊疳口疳腦疳食疳蛔疳脾疳腎疳心疳定生死有此候者取得蟲青者死黃者可治須服定命丹

木香

夜明沙

麝香各壹分

蟬蛻叁分

胡黃連貳錢

金箔

銀箔各伍片

右件為末米飯丸如麻子大空心米飲下三九日

三服忌鹹酸油膩

第一肝疳小兒雖飲乳漸喜食肉尤愛酸醎只服定命丹次服此藥

肉豆蔻叁個

枳殼炒柒錢半

茯苓

胡黃連各半兩

大黃

甘草

丁香

麝香各貳錢

右為末每服壹字米飲下日兩服又者五服効

演山史君檳榔丸

治小兒食肉太早傷及脾胃水

穀不分積滯不化疾作疳痢等候並宜服之

肉苳蔻 壹箇

生檳榔 壹箇

宣連

胡黃連

陳皮

青皮

川棟肉 炒

蕪荑 炒去皮

神麩

麥蘖 並炒

木香

夜明沙 淘淨炒

蘆薈

川芎 各壹錢

麝 壹字

右件為末，積豬膽汁薄荷為丸，如麻子大，每服三五十九，溫飯飲下。

議曰：積是疳之母，所以有積不治，乃成疳候。又有治積不下，其積存而臟虛成疳，尤重。太抵小兒所患疳證，泄瀉無時，不作風候者，何惟疳瀉名熱瀉。

其臟腑轉動有限，所以不成風候。雖瀉不風，亦轉它證。作渴、虛熱、煩躁、下痢、腫滿、喘急，皆疳候。虛證古云：疳虛用補，虛是知疳之為疾，不可更利。動臟腑發作之初，名曰疳氣；腹大脹急，名曰疳虛；瀉痢頻併，名曰疳積；五心虛煩，名曰疳熱；毛焦髮穗，肚大青筋，好喫異物，名曰疳極。受病傳臟已極熱發往來，形體枯槁，面無神采，無血色，名曰疳勞；手足細小，項長骨露，尻臀無肉，肚脹臍突，名曰丁奚食，加嘔噦頭骨分開，作渴引飲，蟲從口出，名曰哺露。此皆疳候。又因多食生冷甘肥粘膩，積滯中脘，不化，久亦

成疳治疳之法量候輕重理其臟腑和其中脘順其三焦使胃氣溫而納食益脾元壯以消化則臟腑自然調貼令氣脈與血脈相參則筋力與骨力俱健神清氣爽疳消蟲化漸次安愈若以藥攻之五臟踈却腸胃下去積毒取出蟲子雖曰醫療即非治法蓋小兒臟腑虛則生蟲虛則積滯虛則疳羸虛則脹滿何可利下若更轉動腸胃致虛由虛成疳疳虛證候乃作無辜無辜之孩難救矣

胡黃連丸 治嬰兒一切疳候及一切虛痢他藥無功此藥極效

胡黃連

蘆薈

草黃連

肉豆蔻 炮

桂心

人參

朱砂

史君子 去殼

木香

釣藤

龍齒

白茯苓 以上各壹錢

麝香 壹字 研

右件各生用為細末取豬膽貳枚裂汁和末令勻却入袋內盛之用線紮定湯煮半日取出切破袋子加荳蔻子貳錢黃丹壹錢一味另研如粉入前藥和勻搗五百杵丸如菉豆大但是疳與痢用粥飲下五七丸子幼者三丸不吃粥飲乳頭令吮能治

一十二種痢及無辜者功效非常

議曰痢之疾危發由於漸痢之後逆傳自於延
為初見其輕言之曰常後知其重告之無門是以
痢疴皆由積毒嬌恣口腹因虛以致虛因害而傷
害醫工見有此等自是憂疑病家欲得便甦豈無
性急更遷取活展轉逾深或疴極而腹下痢或熱
盛而加作渴或煩躁四體虛浮或飲食一時嘔吐
常方不能安愈快劑恐越傷和並宜服此
肥肌丸 治小兒一切疴氣肌瘦體弱神困力乏常
服殺蟲消疴開胃進食

黃連 去鬚

川棟肉 炒

川芎 各半

陳皮

香附子 各貳錢半

木香 錢貳

右件為末水煮細麵糊為丸如麻子大每服三五
十九丸温飯飲下

議曰驚疴積痢各分證候用藥今有小兒患疴虛
困又作痢疾一候相加最為惡重疴痢併行臟腑
虛乏之極熱毒差重皆係積之久滯雖曰係積無
積可療乃虛受之然謂其虛補之不及所見其證
不得良方以何對治雖獲其方不審其候亦難療
也良由脉與病同藥與證對醫士運巧扶而起之

必得安樂胡黃連丸無以加矣肥肌良方亦佐勝焉

疳熱漢東王先生論小兒發熱形瘦多渴喫食不長肌肉者謂之疳熱湯氏云疳熱當服進食丸方見磨積仍間服化蟲丸後服鼈甲散退熱次服肥兒丸瘕疳

湯氏鼈甲散 治疳勞骨熱

鼈甲 致助者湯浸用童便塗炙 黃芪 蜜炙

白芍藥 各壹兩 生熟地黃 地骨皮

當歸 人參 去蘆各半兩

右咬咀每服貳錢水半盞煎服

化蟲丸 治疳熱

白燕美 黃連 神麩

麥芽 各炒等分

右末糊丸如黍米大空心米飲下豬膽汁尤佳

豬肚丸 治骨蒸疳勞肌體黃瘦

未香 半兩 黃連 生地黄

鼈甲 丸助者湯浸用童便塗炙 銀柴胡 去蘆 青皮 各壹兩

右為末豬肚壹枚入藥於內以線纏之於沙罐內懸胎煮熟取出細研豬肚為丸如麻子大米飲送

下量大小加減不拘時服

龍膽丸因治疳病發熱

龍膽草

黃連

史君子肉

青皮各等分

右為末豬膽汁和丸如桐子大每服二十九臨卧
熱水下量兒加減

世烏犀丸

治小兒疳熱腹内生蟲肚大手足疲弱

丁奚疔羸

此方治疳熱如神

黑牽牛貳兩

史君子肉米錢半

青皮貳兩

雷丸貳錢半

苦楝皮

一方不用楝皮用蓋蒼貳錢半

鶴虱各半兩

右同入鍋內炒焦為末麵糊丸黍米大二歲兒二
十九米飲下食前

二丁丸 治乳癖食癖疳熱

白丁香半兩

丁香

蜜陀僧各壹兩

韶粉壹錢

硫黃叁錢

右為細末糊丸如小豆大二歲兒十九日晡時米
飲下飲乳者乳汁下次日當取下惡物熱即隨退
加黃鶯屎壹錢尤妙

譚氏殊聖金瓜丸

治小兒疳熱身多壯熱黃瘦

服令肥

黃連

黃蘗

甘草

微炮

青皮

各等分

右為末入麝香少許用豬膽壹枚入藥膽內線
紮定入石器中漿水煮五七沸取出風弔一宿丸
如菜豆大每服五七丸米飲下量兒加減玉訣方
同外以朱砂為衣仍治脾疳博濟方同劉氏家傳
方亦同云或添胡黃連若早晨服史君子丸晚服
金瓜丸永無疾消食長肌肉莊氏家傳方同仍加
夜明砂一味等分趙氏方亦同名涼疳藥長沙朱
司理以為有神効

蘆薈丸

治小兒驚熱疳不思食

蘆薈

熊膽

朱砂

各錢半

青黛

朱錢半

訶梨勒

煨取肉

麝香

壹錢

右為末糯米飯為丸如麻子大空心隨歲數與之
用沙糖水嚥下五七丸

茅先生柴胡散

治小兒疳熱四肢如柴不能起止

柴胡

知母

貝母

去心

茯苓

茯神

乾葛

甘草

各等分

右為末每服用小麥一匙頭藥一匙頭水一盞同

煎陸分去滓服

六物黃芩湯 治少小腹大短氣熱有進退食不安
穀為之不化

黃芩

大青

甘州炙

麥門冬 去心

石膏 碎各半兩

桂皮 炙二錢

右每服參錢水壹盞煎至七分去滓溫服

莊氏青黛丸 治疳熱

青黛 研壹兩

胡黃連

宣連

天竺黃 研各半兩

朱砂 水飛 貳錢半

麝香 研壹錢

肉豆蔻 貳個

牛黃 半錢研

乾蟾 壹枚 端午日取者酒浸洗去腸肚塗酥炙黃

右件除研藥外為末再同研勻菉豆粉煮糊丸如芥子大每服空心夜後熱水下三丸恐菉豆粉難和圓菉豆麵作糊亦得

王氏史君子散 治疳熱

右用史君子多不曝乾為末空心米飲下大者壹錢小者半錢取蟲出為度

豬肚黃連丸 治疳熱流注遍身瘡蝕或潮熱肚脹或渴

用雄豬肚淨洗壹具宣連淨伍兩剉細水和潤納肚中線

縫放五升粳米上蒸至爛入臼中加少蒸飯搗千杵丸小桐子大每服二十丸米飲下仍服調血清心之劑佐之凡兒病不出於疳則出於熱熱則生痰常須識此

柴胡飲 治骨蒸疳氣五心煩熱日晡轉盛口乾無味渴多身瘦曾滿痰緊小便黃色食減神昏

北柴胡去蘆淨洗 人參去蘆 當歸酒洗

黃芩 赤芍藥 甘草炙各壹兩

大黃生用 桔梗去蘆剉炒 北五味子去梗

半夏湯煮透去滑各半兩

右到每服貳錢水壹盞烏梅壹亞薑貳片煎七分

無時温服

疳

即疳熱而骨蒸兼諸咳嗽盜汗等證是也湯氏

鼈甲散豬肚丸皆對證之藥

乾地黃煎顯顯 治小兒疳勞肺氣熱咳嗽四肢漸瘦

心脉乾

生地黄汁伍兩 酥壹兩 生薑汁

蜜各壹兩 鹿角膠半兩

右先以地黄汁入鍋內慢火煎手不住攪約五六沸下酥又五六沸下蜜次下膠又下薑汁慢火煎後如稀餈即住火每食後兩度共與壹匙頭忌諸

毒物

王先生雞肉煎丸 治小兒十歲以上疳勞壯熱形瘦

宣連去鬚 貳兩

銀柴胡去蘆 洗淨

秦艽去土 淨

知母

史君子肉

子苓各壹兩

蕪荑去衣

川鶴虱各半兩

右為末以黃雌雞壹隻重壹斤許籠之專以大麻子飼之至五日後宰去毛令淨於臀後開孔去腸肚淨洗拭乾入前藥末於雞腹內以線縫之取小甌先以黑豆鋪甌底厚三寸安雞在甌中四傍以

黑豆圍裹上亦以黑豆蓋之自日出蒸至晚候濕冷取雞去腹中藥及筋骨頭翅以淨肉研勻和得所如乾入酒麴糊為丸如大麻子及小菘豆大每服十九十五二十九以意加減空心臨卧麥門冬熟水吞下如小兒疳勞骨熱十五歲以上溫酒下忌豬肉

張氏三和飲子 治三焦膈塞五藏滯滯氣逆痰涎米食後惡涎太陽昏痛及治山嵐瘴氣吐逆不美飲食面色浮黃指甲青黑小兒疳勞吐乳及大人小兒久病乍安神氣未復寒熱往來並皆救療

紫團人參

參兩半 洗到

甘草

壹兩半 炙到

綿黃芪

伍兩酒浸壹 宿洗淨到

右件三味同入木臼內用木杵搗為麤散每服三
大錢生薑三片水二盞棗三枚同煎八分去滓服
不拘時候

犀角散

治小兒骨熱解毒

銀州柴胡

川大黃

甘草炙

川芎

茯苓

芍藥

麵葛

桑白皮

地骨皮

山梔子仁

黃芩

貝母各半兩

右為末每服壹大錢水壹盞入青蒿壹枝小麥拾
粒煎七分溫溫服之太段有患更入麻黃連翹二
味與前藥等分為末煎服之莊氏第 候用此方
鱉血煎 治疳勞

蕪荑

柴胡各壹兩

川芎

人參

半兩

史君子

貳拾壹枚去殼 胡黃連

宣黃連

各柒錢

右用鱉血壹盞吳茱萸壹兩和二黃連淹一宿次
早炒乾去茱萸并血用二連入餘藥末粟米粉糊
丸麻子大食前熱水下

黃連丸 治疳勞

黃連 半兩淨積 膽汁浸晒 石蓮子

瓜蒌根

杏仁 湯浸去皮 烏梅肉 各貳錢

右為末牛膽汁浸糕糊丸麻子大煎烏梅薑蜜湯下

疳渴 聖惠天竺黃散 治小兒疳多渴體熱煩躁少

得睡卧

天竺黃 細研

黃連 去須

馬牙硝

梔子仁

葛根 剉各半兩

甘草 炙微赤剉

牛黃 細研

欵冬花

紫花 洗去苗土

犀角 屑

土瓜根 各貳錢半

右件藥搗細羅為散都研令勻不計時候以蜜水調下半錢量兒大小加減服之 治小兒疳熱煩渴不止方

乾蟾頭 貳枚塗酥炙焦黃

蝸牛殼 微炒

胡黃連

菘蓰根 各半兩

右件藥搗細羅為散每服以竹葉湯調下半錢不計時候量兒大小臨時加減服之 五膽丸 聖惠 治小兒渴疳

豬膽

狗膽

牛膽

鯽魚膽

蝟膽已上各壹枚

右件藥四膽汁並入牛膽內在竈北後懸候稍乾可丸即丸如黍米大每服以新汲水下貳丸以飲水足為度空心午後各壹服更量兒大小加減

胡黃連散 治小兒疳熱渴乾瘦

胡黃連

犀角屑各貳錢半

生地黄汁合

羊子肝

壹具研麝香半錢

蜜半合

右件藥搗胡黃連犀角細羅為散入麝香研勻以羊肝汁地黄汁蜜等調令勻每服煎竹葉湯調下藥汁壹茶匙量兒大小加減服之

黃連丸 治小兒疳熱煩渴

黃連

天竺黃

牛黃各細研

甘草

炙微赤剉

梔子仁

款冬花

葛根

剉

紫苑

洗去苗

犀角

屑各貳錢半

川朴硝

半兩

竹瀝

貳合

右件藥搗羅為末先用竹瀝拌和更入熟蜜和丸如棗豆大每服以新汲水研破伍丸服之日四五服量兒大小加減

聖惠又方

右用蝸牛叁伍拾枚淨盤內以物蓋令行即有以

銀泥處以膩粉和搯取便丸之如黍米大不計時
候以溫湯下貳丸

又方

杏仁

湯浸去皮尖
雙仁上貳錢半

膩粉

壹錢

右件藥研杏仁如膏入膩粉相和令勻用麪糊和
丸菜豆大空心以粥飲下叁丸

錢乙龍粉丸

治疳渴

草龍膽

定粉

微炒

烏梅肉

焙秤

黃連

各貳分

右為細末煉蜜丸麻子大米飲下壹貳拾丸無時

青香丸

張氏

治小兒疳渴引飲不休肌體羸劣

胡黃連

青黛

朱砂

鶴虱

各等分

右為末豬膽汁和丸菜豆大每服叁丸米飲下

劉氏治小兒疳渴方

豬胞

壹箇大者

甘草

壹兩寸斷劈
破入胞內

右以水壹斗煮至叁升去甘草將胞焙乾末之每
服貳錢或叁錢熟水調下大人亦可服

莊氏治小兒渴疳方

右用蛤粉取生太鮎魚壹尾以粉塗頂上刮下涎

入粉同研丸鷄頭大每服壹丸更用活小鮎魚壹尾水半盞浸涎水壹藥注于化下下一丸立止便與和氣散方見壹貳服補之

又方 治疳渴不止

井泉石又名石 太陰玄精石 馬牙硝

右各等分為末入生硫黃少許每服半錢以生米

泔水調下

吉氏家傳方

乾葛 胡黃連 甘州炙

黑參 麥門冬去心各等分

右件為末每服壹錢水半盞薑壹片煎肆分服

治小兒疳渴常服五疳不生方

乾蝦蟆貳枚長流水內刮去肚腸以法酒

黃連淨肆兩 硃砂壹錢 麝香壹錢

右先將蝦蟆膏與黃連末同研後更與麝香硃砂等研勻作丸如菉豆大每服拾丸陳米飲下如患疳用黃蠟茶清下如難丸入些少酒麵糊不妨

治小兒一切疳熱渴方

蚘蝦蟆大者 蝸牛蟲半升用井水淘洗淨為

具入貳物在內用鹽泥固濟了不得透風更進火燒令通赤候冷取出貳物不用罐子

大黃

黃連

各半兩

麝香

貳錢半

右為末，麵糊丸如芥子，大每服叁丸至伍丸，米飲

下莊氏第十六候用此方

治小兒疳渴方

人參

乾葛

黃芩

柴胡

甘草

炮各貳錢半

右為末，每服壹錢，水壹盞，煎五分，去滓，候冷，分為

伍服，每喫藥時，更點鉛白霜，寒水石，共研壹字服

之方，治疳，莊氏第二十候先用此止渴

疳嗽，惠眼防已丸，治疳嗽不止

漢防已

牽牛子

馬兜鈴

炒

甜葶藶

別研各等分

右為末，煮棗肉為丸，如菘豆，大每服拾丸，煎糯米

飲下，與溫肺散相間服

溫肺散

蘇藶根

半兩

甘艸

炙貳錢半

右為末，每服壹錢，蜂蜜熟水調下

小兒肺疳，多是吃着熱米食及病，妳傷損心肺，便生

喘嗽，愚醫不辨冷熱，以藥攻之，變成黃腫，漸覺昏

沉，宜服杏仁散

黑牽牛 各半

巴豆 去殼

右件一處同炒令焦黃色揀去巴豆不用却入木香半兩為細末麵糊為丸黍米大每服拾丸橘皮湯下

莊氏參苓散

治小兒因積成疳久致脾胃虛弱不思飲食

人參

茯苓

川芎 各壹兩

甘草

芍藥

黃芪 各半兩

青皮 去白

右為細末每服壹錢水壹小盞煎至伍分去滓溫

服

香甲丸

治小兒積疳潮熱盜汗羸瘦煩渴手足心熱服之皆効輕骨長肌

蔡夢祥家壽翁苦黃瘦不食多汗喜叫哭服之効

木香 貳錢半

鼈甲 去殼

檳榔

史君子肉

柴胡 去蘆

黃連 去鬚

右為末豬膽汁和丸黍豆大每服貳拾丸日中

臨卧米飲下久發潮熱多汗無力者服之即効

趙氏青蒿丸 療小兒久積疳氣日漸羸瘦面黃頭髮作穗好食土咬指甲捻鼻兼治骨蒸勞熱及取

疳蟲退諸藏積熱小兒常服遍身香為効

白檳榔 壹枚

白蕪荑 肆拾

黃連 肆拾

夜明沙 淘淨貳錢半

太陰玄精石

麝香

小葱子 炒

朱砂 各半

蘆薈

天竺黃

青黛 各壹

右將後七味同研細與前四味一處再研勻令極細取青蒿自然汁慢火熬濃仍用豬膽壹枚取汁同搜藥丸如粟米大每服伍丸至柒丸並用米飲下醞醋湯亦得取疳蟲煎醋石榴湯下二十服取盡蟲

吉氏治五疳傷積方

蕪荑

黃連 各壹

神麩 半兩

史君子 連殼拾肆箇

鶴虱 少許

末之豬膽調麵糊為丸菴豆大每服拾丸米飲下

青金膏 治疳積

青黛

朱砂

蘆薈

蟾酥 各壹錢

麝香 半錢

蜣螂 壹枚

蛇皮 項後肆寸

右為末水化酥丸如粟米大每服兩丸倒流水送下又水化壹丸注於鼻中須臾眉上白蟲出便安

青難治

豆蔻散 治疳積或冷利腹大脚小身熱面無顏色

肉豆蔻 貳箇

胡黃連 壹錢

史君子 肆枚

青黛

棟根

蕪荑

厚朴 薑汁炙

甘州 炙各兩

麝香 少許

夜明沙 壹錢半 別研

右末每服壹錢或半錢蜜水或粥飲調下

知母散 治諸般疳積肚脹無時瀉痢或時壯熱狀

如瘡疾大效

知母

青皮 去白焙 乾秤

柴胡 各貳錢

甘草 多

紫參 各叁錢

訶子 煨熟用 肉叁枚

右為細末每服壹錢水伍分煎至叁分溫服有熱則退有痢則除有結則通

正傳經驗檳榔丸 治小兒疳病積氣成塊腹大有

蟲等證其效如神

檳榔 壹兩

三稜 燎去毛 切醋炒

蓬莪茂 醋炒

青皮 去穰 炒黃

陳皮 去白

雷丸

乾漆 炒煙 盡

麥蘖麩 炒

神麩 炒黃色

山查肉 各半兩

鶴虱 畧炒

木香 不見火

甘草 炙

胡黃連 各叁錢

蕪荑 水洗淨 貳錢半

良薑陳壁土 炒貳錢 砂仁 壹錢

右為細末醋糊為丸如菉豆大每服叁伍拾丸空心淡薑湯下

疳瀉

先用青金丹疳取下疳積後用勻氣散不乳食香連散乳香散瀉調理瀉止服常服保童丸疳一切石壁經云疳瀉因不慎飲食或食交乳致然腹中有片子或如雞子又如三二指大所以作瀉糞出如糟毛髮硬面無光或青黃色目多爪視當分水穀乃須溫和藥和氣即瘡若藥熱則作腫而死雙瀉而多食為蟲疳宜殺蟲藥瀉而少食為冷疳宜溫藥

積

仙人水鑑粉霜丸

治小兒疳一切瀉方

粉霜

白丁香各壹錢

巴豆貳枚不出油

右為末爛飯為丸如小菉豆大每服井華水下貳丸

熱瀉

錢乙二聖丸

治小兒臟腑或好或瀉久不愈羸瘦

成疳宜常服此方

川黃連去鬚

黃檗去麁皮 各壹兩

右為細末將藥末入豬膽內湯煮熟丸如菉豆大每服貳叁拾丸米飲下量兒大小加減頻服無時劉氏胡黃連飲子 治小兒疳熱作瀉無時飲食進

退面黃體黑日漸瘦悴

胡黃連

黃藥子

人參

甘草

白朮

秦艽

柴胡

各等分

右各味用淨哎咀每服貳錢匕水壹盞嫩桃柳枝各柒寸烏梅少許同煎捌分去滓澄清分作兩分早食後少空一服臨卧再服以小便深赤為驗候小便清住藥便生肌膚能進食飲大抵小兒羸瘦並宜服此十五歲以下皆可服

莊氏黃連丸 治疳瀉疳痢

黃連

削淨洗乾曬為末

大蕪美仁

乳鉢研細各等分

右二末一處和勻糯粟米相和煮稀粥為丸小菽豆大量兒大小三歲柒丸至拾丸三歲以上拾伍丸至貳拾丸空心陳米飲下日進三服

錢乙如聖丸 治冷熱疳瀉

胡黃連

白蕪荑

去扇炒

川黃連

各貳兩

史君子

壹兩去殼秤

麝香

別研半錢

乾蝦蟇

伍枚剉酒熬膏

右前藥為末用膏丸麻子大每服人參湯下二參歲者伍柒丸以上者拾丸至拾伍丸無時博濟方胡黃連丸 治小兒疳疾瀉痢

冷熱

百病

力

百

胡黃連

丁香

肉豆蔻壹

檳榔壹枚

訶子貳枚以壹枚煨壹枚生用

蜜陀僧各半
紅雪壹兩

右件七味同研細入麝香貳錢半和勻次入菉豆末少許同水和為丸如麻子大兒三歲以下壹丸三歲以上伍丸孩子腦疳鼻痒及赤爛黃連湯下脾虛羸瘦泄痢四肢虛腫青州棗湯下肝疳眼澁生瘡甘艸湯下骨疳冷地卧愛食土紫蘇茶湯下常服米飲下肺疳上氣急喘橘皮湯下筋疳瀉血鹽湯下疳蟲及瀉無定生薑湯下

香薷丸

治疳瀉

黃連炒叁錢

肉豆蔻

木香

訶子肉煨

砂仁

茯苓各壹錢

右為末飯為丸麻子大米飲下

冷瀉

錢氏木香丸

治時時下利唇口青白

木香

青黛另研

檳榔

肉豆蔻去皮各貳錢半

麝香另研壹錢半

續隨子壹兩半炒

蝦蟆叁箇先用繩繫曬乾燒存性

右為末蜜丸如菉豆大每服叁伍丸至壹貳拾丸

薄荷湯下食前

沒石子丸氏錢 治泄瀉白濁及疳痢滑兒腹痛者

木香 黃連各貳錢半 沒石子壹筒

荳蔻仁貳個 訶子肉叁個

右為細末飯和丸麻子大米飲下食前量兒加減

聚寶方黃龍丸 定小兒疳冷瀉

朱砂研錢 龍腦半字 硫黃壹兩

雄黃貳錢半

右用甘鍋子一隻盛雄黃在內用盞一隻盛水半盞坐在鍋子上炭火燒甘鍋其藥飛在盞底上刮下與朱砂硫黃同研入腦子糯米粥丸如黃米大

每服叁丸食前椒湯下

吉氏蘆薈丸 治疳瀉不止不思飲食腹脹

丁香 肉豆蔻去皮 木香剉各半兩

右三味用麵裹慢火中煨熟為度取出去麵入蘆

薈壹兩史君子肉兩半同為細末稀糊為丸如黍米大

每服拾丸至貳拾丸米飲下

湯氏治休息痢及疳瀉痢遷延日月百藥俱試飲食不妨便利不止用雞子壹枚打破鎔黃蠟壹塊如指大以雞子和炒空心喫盡百醫百効無不獲安
本事方治小兒疳痢垂死者取益母草炙食之取足

本瘥止甚佳

錢氏大蘆薈丸 本門通治

胡連麝香丸

榆仁丸 並見本門山出

良方吳婆散 治小兒疳瀉不止日夜不計遍數漸

漸羸瘦

桃根白皮

黃檗 蜜炙

蕪荑 去皮

黃連 微炒已上

厚朴 薑汁炙

木香

檳榔

丁香 各壹錢

沒石子 壹錢半

棟根白根 壹錢貳分半

右為末每服壹字二歲以上半錢五六歲壹錢用

紫蘇木瓜米飲調下乳食前一日三服予家小兒曾有患瀉百餘日瘦餘皮骨萬方不差有監兵鍾離君見之曰何不服吳婆散立可差也乃求方合與兩三服便效又孫男亦疳瀉勢甚危困兩服遂定若病深者服一兩日間決差此藥若是疳瀉無不驗者藥性小温暴熱瀉者或不相當

丹溪治一富家子年十四歲面黃善啖易飢非肉不飽泄瀉一月來求治脉之兩手皆大怪不甚瘦倦以為濕熱當脾困而食少今反形健而多食且不渴予意其疾必疳蟲作痢也取大便視之果蚘虫所為適

收澀

往他處有一小兒醫在側教其用治蟲藥治之禁其勿用去積藥約回途當為一看診而止痢也偶勿果至次年春夏之交其瀉復作腹不痛而口乾予曰此去年治蟲而不治疳故也遂以去疳熱之藥濃煎白朮湯下三日而瀉止半月後偶過其家見其子甚瘦予教以白朮為君芍藥為臣川芎陳皮黃連胡黃連入少蘆薈為丸白朮湯服之半月而止禁其勿食肉物三年當自愈

斗門經治小兒疳瀉方

右用赤石脂杵羅為末極細如麵以粥飲調半錢服立差或以京芎等分同服更妙

莊氏家傳治疳瀉久不差方

赤石脂 綠礬 石灰各貳兩

硫黃半兩

右研勻入罐子內燒冷焰碧去火放冷取研每服壹字或半錢煎小黃米飲放冷調下食前服

又方

史君子炮 五倍子瓦上炒黃 沒石子各等分

右為末每服半錢陳米飲調下

疳痢宮氣方解小兒疳熱疳痢殺蟲用青黛不以多

少水研服

外臺治疳痢曉夜無度者取樗根濃汁及粟米泔各一雞子殼許以竹筒吹入下部再度瘥

治疳痢大孔開利不止以黃連末入麝香少許和勻以竹筒吹入

圖經治疳痢以地榆單煮汁如飴糖與服便已
孟詵療小兒疳痢方

右用樗木根取白皮壹握倉粳米伍拾粒葱白壹握甘草貳寸炙貳合以水壹升煮取半升頓服之小兒以意服之枝葉與皮切用皆同

聖惠治小兒疳痢不止下部痒青黛散

青黛

蟾灰

胡粉

黃連去須

微炒

麝香

細研各貳錢半

赤石脂

兩半

訶梨勒皮

壹兩微煨

右件藥搗羅為散每服以乳汁調下半錢日三四服量兒大小加減

殺疳丸 治疳痢不止

雄黃

麝香

牛黃

蘆薈

朱砂

各細研

龍骨

燒令赤色

蜜陀僧

燒紅細研

胡黃連

各貳錢半

青黛

半兩細研

金箔拾片細研

肉豆蔻貳枚去殼

蟾酥壹錢二分半熱水化如泥

右件藥搗羅為末入研藥及蟾酥研令勻湯浸蒸餅和丸如黃米大每以溫水下參丸煎黃連苦參湯洗身上用青衣蓋出蟲便瘡

白龍骨丸 治疔痢不止

白龍骨

白石脂

雞屎礬燒令盡

黃連去鬚微炒

胡粉微炒

白茯苓

阿膠搗碎炒令黃燥各半兩

右搗羅為末煉蜜和圓如麻子大每服以粥飲下伍九日三四服量兒大小加減

肉豆蔻丸 治小兒疔痢不喫乳食四肢瘦弱

肉豆蔻壹枚去殼

木香半兩

人參去蘆頭

訶子肉煨

朱砂

麝香並細研各半錢

右搗羅為末都研令勻用軟飯和丸如麻子大每服以米飲化下參丸日三四服量兒加減

聖惠黃連散 治小兒疔痢久不瘡肌肉消瘦面黃髮焦啼叫不常

胡黃連末

白礬燒令盡

白龍骨末各半兩

胡粉微炒貳錢半

右件藥同細研為散一歲兒每服以米飲調下壹

字二歲每服半錢隨兒大小量病輕重加減

蕪荑丸 治小兒久疳痢不瘥

蕪荑末半兩 羊子肝壹具

右先以子肝切作片子以蕪荑末摻在肝內線纏合米泔中煮令熟擣爛糯米飯和丸如麻子大每以粥飲下伍丸早晨晚後各一服量兒加減
莊氏第一候瀉膿血日漸瘦是冷熱疳宜服八香丸

方

胡黃連 壹錢

腦麝 各半

牛黃 壹錢貳分半

蘆薈 壹錢半

蟾酥 伍捻子作塊者亦得

白花蛇 半兩酒浸去骨

蝎稍 貳錢半

右為細末豬膽丸如黃米大每服伍丸米飲下如患甚仍用生米泔調作散半錢服日三服
治小兒腸鳴瀉痢口鼻乾常有鮮血日夜痰方

白朮 炮

硫黃 各貳錢半

枳殼 炒

胡黃連

當歸 各半兩

右為末每服半錢熟水調下

張道人第二急疳小兒疳痢下赤色膿血下部脫肛雖有精神命在須臾但服此沉香丸方

沉香

人參

蝎

胡黃連

甘草 各分

乳香 各壹分

龍骨

右件棗肉為丸如麻子大每服叁丸米飲下日二服久患七服効

木香丸 治疳痢

黃連 淨叁錢

木香

紫厚朴 薑製

夜明沙 隔紙炒 訶子肉 炒壹錢

右為末飯丸麻子大乾艾生薑煎湯食前下

疳痢腹痛白朮散 治小兒疳痢腹脹疔痛日夜三

二十行

白朮 壹兩 微炒

當歸

地榆 並剉 微炒

木香 赤芍藥

甘草 炙半兩

右件藥搗羅為散每服壹錢以水壹小盞至伍分去滓不計時候量兒大小分減

胡黃連丸 治小兒疳痢腹痛不止

胡黃連 半兩

木香 各貳錢半

右件藥搗羅為末糯米飯和丸如棗豆大每服粥飲下伍丸日三四服量兒大小加減

疳腫脹 治小兒五疳八痢及髮焦黃肚脹手足瘦細

肚上筋脉起指眼鼻涕垂至口咬指甲或下部生

瘡及大小便不通宜此瘡之

蘆薈

夜明沙炒

蛇蛻灰

黃牛角屑各壹分

蟾酥少許

右為末更入麝香少許煉蜜丸如棗豆大每服叁丸用米飲下服藥間仍用桃柳葉湯浴兒了將青皂衣蓋之更用藥壹丸至貳丸安兒臍中便着醋麵糊與青皂帛貼之候蟲出為度如無蟲但汗出為妙服藥三日後宜減壹丸
治小兒疳氣腹腫有似水氣方

肉豆蔻壹箇

木香炮

麝香

朱砂各壹分

胡黃連半兩

右為末飯丸麻子大米飲下叁伍丸飛氏第拾八候用此方

吉氏家傳治疳肚如鼓方

蜜陀僧

風化灰各壹錢

黃丹半錢

右為末以豬肉炙壹片用藥半錢蘸上與喫如不會喫乳母嚼與

御苑勻氣散 治脾肺氣逆喘咳面浮胸膈痞悶小

便不利

桑白皮貳兩

淨陳皮壹兩半

桔梗炒

甘草炙

赤茯苓各壹兩

藿香半兩

木通

肆兩

薑水煎服

疳後天柱倒詳腎部天柱倒條

疳氣入陰漢東王先生家寶治小兒疳氣灌入陰黃

亮色烏金膏

通草

黃皮

大黃各貳錢
半燒

右各燒存性為末每用壹錢豬膽調成膏於陰
上塗如未退煎蛇床子湯洗後再調塗之

虛羸

母氣不足則羸瘦肉極 巢氏論小兒羸瘦不生肌
膚皆為脾胃不和不能飲食故血氣衰弱不能榮於
肌膚也挾熱者即溫壯身熱肌肉微黃其挾冷者即
時時下利唇口青白 小兒經諸大病或驚癇或傷
寒或溫壯而服藥或吐利發汗病差之後氣血尚虛
脾胃猶弱不能傳化穀氣以榮身體故虛羸也 錢
氏虛羸冷者木香丸主之夏月不可服如有證則少
服之熱者胡黃連丸主之冬月不可服如有證則少

虛羸

虛羸與疳同治也 木 薛氏云更當審其形

服之 九胡黃連丸見疳條

色察其見證如面赤多啼心之虛羸也面青目劓肝之虛羸也耳前後或耳下結核肝經虛火也頸間肉裏結核食積虛熱也面黃痞滿脾之虛羸也面白氣喘肺之虛羸也目睛多白腎之虛羸也仍審相勝而藥之又寒熱二證不可不辨若腹痛瀉利清白不渴喜熱此屬寒證雖在夏月宜木香丸身熱煩躁瀉利焦黃作渴喜冷此屬熱證雖在冬月宜胡黃連丸皆捨時從證之治法也 錢氏論用藥識證云鄭人齊郎中者家好收藥散施人其子忽藏熱齊自取青金

膏三服併一服而餌之服畢至三更瀉五行其子因

睡齊言子睡多亦驚又與青金膏一服又瀉一行加

口乾而身熱齊言尚有微熱未盡又與青金膏其妻

曰用藥十餘行未安莫生病否召錢氏曰已成虛羸

先多煎白朮散時時服之後用香瓜丸十三日愈白

散見瀉木 瓜丸見元薛氏治一小兒十二歲面赤驚悸發熱

形體羸瘦不時面白噁氣下氣時常停食服保和丸

及清熱等藥余曰面赤驚悸心神怯也面白噁氣心

火虛也大便下氣脾氣虛也此皆稟心火虛不能生

脾土之危證前藥在所當禁者不信又服枳朮丸鎮

虛羸

刀身

百六

驚等藥而諸證益甚大便頻數小腹重墜脫肛痰涎
飲食日少余先用六君子湯為主佐以補心丸月餘
飲食少進痰涎少止又用補中益氣湯送四神而愈
畢姻後病復作墜時至仲冬面白或鰲色手足冷喜
食胡椒薑物腹中不熱脈浮按之微細兩尺微甚乃
用八味丸元氣復而形氣漸充年至二十苦畏風寒
面自赤色發熱吐痰唇舌赤裂食椒薑之物唇口卽
破痰熱愈甚腹中却不熱診其脈或如無或欲絕此
寒氣逼陽於外內真寒而外假熱也仍用八味丸而
諸證頓愈 一小兒八歲面常青色或時色赤日間

目劓夜睡咬牙二年餘矣服清肝降火之藥益甚形
氣日羸求治於余曰肝主五色入心則赤自入則青
蓋肝屬木而生風故肝氣為陽為火肝血為陰為水
此稟肝腎精血不足虛火內動陰血益虛虛而生風
風自火出故變面赤目劓等證耳非外風也遂用地
黃丸以滋腎水生肝木兩月目劓咬牙悉止又三月
許諸證尋愈而元氣亦充矣凡肝經之證若肝木實
熱生風而自病或肺金實熱而尅木者宜用清肝降
火之劑以瀉其邪氣若肝經風熱而目直等證用柴
胡梔子散以清肝火加味四物湯以養肝血若腎虛

而咬牙諸證用六君子湯以健脾胃六味地黃丸以滋腎水則愈。一小兒脾氣虛弱飲食停滯發熱作渴服瀉黃散不時下痢余先用保和丸二服而愈但不食惡心面青手冷又用六君柴胡升麻四劑面色痿黃食進手溫惟形體羸甚倦怠發熱小腹重墜肛門脫出用補中益氣湯加半夏肉豆蔻二劑而安凡脾胃之證若發熱作渴飲食喜冷或泄瀉色黃睡不露睛者屬形病俱實宜用瀉黃散疎導之若發熱口乾惡冷或泄瀉色白睡而露睛屬形病俱虛宜用異功散調補之若脾氣下陷者補中益氣湯寒水侮土

者益黃散肝木尅脾者六君加柴胡若目睛微動潮熱抽搐吐瀉不食宜用祕旨保脾湯凡小兒諸病先當調補脾胃使根本堅固則諸病自退非藥所能盡祛也。一小兒五歲形氣虛羸睡中咬牙夜間遺尿日間頻數余以為稟腎氣不足用補中益氣湯加補骨脂地黃丸加鹿茸以補脾腎而痊畢姻後小便頻數作渴發熱日晡益甚恪服黃蘗知母等藥以滋陰降火後患腎痿臥床年許余因考績北上仍用前藥喜其慎疾半載而痊。一小兒年十一歲面白或赤足軟不能久行用地黃丸加鹿茸年許而痊畢姻後

兩目羞明兩足仍軟用前丸及補中益氣湯而痊後
病復發增口渴足熱頭顙覺開視物覺大此腎虛瞳
人散大而然也服前藥遠房事則愈因不自保終患
腎痿而死仲陽先生云此證屬腦髓不足不能榮養
宜用地黃丸補之有至七八歲或十四五歲氣血既
盛而自合若縱恣色慾戕賊真陰亦不能盡其壽矣
一 小兒形瘦不時咳嗽自用參蘇飲一劑更加喘
急驚搐面白或黃余謂此稟脾肺不足而形氣虛羸
因前劑峻利外邪雖去而肺氣益虛肺虛則宜補脾
先用異功散加桔梗釣藤鈎一劑痰喘頓定乃去桔

梗加半夏當歸再劑驚搐亦去又加酸棗仁治之而
安年十五歲發熱痰盛作渴面赤形體羸瘦用地黃
丸加五味子及補中益氣湯各百餘劑而形氣漸壯
若認爲陰火用黃蘗知母等藥復傷生化之源其亦
不治者矣 一 小兒五歲尚飲乳耳前後頸間至缺
盆以手推尋其筋結小核如貫珠隱於肌肉之間小
便不調面色青黃形氣羸瘦此稟母之肝火爲患用
九味蘆薈丸五味異功散加山梔柴胡與兒飲之又
以加味逍遙散與母服之尋愈 一 小兒患虛羸耳
出穢水左手尺關洪數而無力余爲清肝補腎耳中

虛羸
雖愈脉未全斂畢姻後患瘵證誤服黃蘗知母之類
復傷元氣不勝寒暑勞役無日不病幾至危殆余大
補脾腎滋養元氣而愈一小兒患證如前肢體消
瘦面色痿黃大便酸臭此脾虛食積用四味肥兒丸
五味異功散治之而愈二小兒九歲吞酸惡食肌
體消瘦腹中作痛余謂食積虛羸也用保和丸而愈
後腹中數痛皆服保和丸余曰此因脾胃虛而飲食
所傷也當調補脾土以杜後患不信後腹痛喜按余
用五味異功散二劑因未應自用平胃散等藥腹脹
作痛余仍以異功散加木香四劑而愈若屢用攻伐

之劑陰損元氣多致虛羸慎之

參苓白朮散方見不乳食

地黃丸加肉桂壹兩名治小兒肝經虛熱血燥或風

客淫氣而患瘵癰結核或四肢發搐眼目抽動痰

涎上湧又治腎疳腦熱消瘦手足如冷寒熱往來

滑瀉肚脹口臭乾渴齒齦潰爛爪黑面鰲遍身兩

耳生瘡或兩耳出水或發熱自汗盜汗便血諸血

失瘡等證其功不可盡述即六味地黃丸方見腎藏

補中益氣湯 治中氣虛弱體疲食少或發熱煩渴

等證

虛羸

人參

黃耆各壹錢

甘草

陳皮各伍分

白朮

柴胡各貳分

當歸捌分

升麻

右薑棗水煎空心午前服

愚按前方若因藥剋伐元氣虛損惡寒發熱肢體倦怠飲食少思或兼飲食勞倦頭痛身熱煩躁作渴脉洪大弦虛或微細軟弱右寸關獨甚者宜用之凡久病或過服剋伐之劑虧損元氣而虛證悉具者最宜前湯若母有脾胃不足之證或陰虛內熱致兒為患者尤宜用之

八珍湯

四物四君合用

錢氏異功散

治脾胃飲食少思吐瀉不食凡虛冷

證先與數服以正胃氣

即五味異功散見吐瀉

愚按前方治脾胃虛弱吐瀉不食或驚搐痰盛或睡而露睛手足指冷或脾肺虛弱咳嗽吐痰或虛熱上攻口舌生瘡弄舌流涎若母脾胃虛兒患此證亦當服之

外臺小品療四五歲兒因食及在胎中宿熱乳母飲

食麤惡辛苦乳汁不起兒哺不為肌膚心腹痞滿痿黃瘦瘠四肢痿躄繚戾服之令充悅方

虛羸

八珍湯

外臺

芍藥拾分炙

人參各肆分

甘草炙

黃耆

柴胡捌分

乾薑各貳分如熟乾

鼈甲炙

茯苓陸分

右八味搗篩蜜和為丸如大豆服五九日二服忘如常法千金有大黃無黃耆服一丸一歲以上乳服三九七歲兒服十九日二聖惠黃耆丸治小兒羸瘦體熱面色痿黃不欲乳食

黃耆剉

甘草炙微赤剉

赤芍藥

胡黃連各半

人參去蘆頭

麥門冬去心焙

鼈甲塗醋炙微黃去裙襴各壹兩

柴胡去蘆分

右件藥搗羅為末鍊蜜和丸如麻子大不計時候以粥飲下五九量兒大小以意加減

秦艽丸

秦艽去苗

地骨皮

赤茯苓

龍膽去蘆頭壹分

桑根白皮剉

黃耆剉

甘草炙微赤剉

柴胡去苗叁分

枳殼麩炒微黃去穢

人參去蘆頭

犀角屑各半兩

右件藥搗羅為末鍊蜜和丸如菉豆大不計時候用粥飲下五九更隨兒大小增減

麥門冬丸

治小兒雖食不著肌膚羸瘦骨熱小便

赤黃

麥門冬

去心焙人參去蘆

黃耆

青蒿子

黃連

桑根白皮

枳殼

地骨皮

柴胡

右件藥搗羅為末鍊蜜和丸如菉豆大不計時候以熱水研五丸服量兒木小以意加減

燒黃瓜丸

治小兒羸瘦體熱乳食全少

黃瓜

大者壹枚

陳橘皮

湯浸去白瓤焙黃連去鬚各半兩

鼈甲

童子小便浸二十宿炙微黃去裙爛

胡黃連

柴胡

去苗各壹兩

右件藥搗細羅為散以黃瓜切開頭去瓢內藥末令滿以切下蓋子蓋之用香麥麩和搜固濟可厚三分於糖灰火內燒令麩焦黃為度取出去麩放冷入麝香壹錢都研和丸如菉豆大每服食前米飲下七丸更量兒木小以意加減

大黃丸

治小兒胃氣不調不嗜食不生肌肉

大黃

乾地黄

茯苓

當歸

柴胡

杏仁

右為末蜜丸麻子大飲下五丸日進三服

豬肚丸 解小兒肌熱時或泄瀉及有積滯不思飲食肌肉消瘦

鼈甲 壹兩同童子小便并醋共三升熱浸炙盡為度

薯蕷 各壹兩

胡黃連

人參 去蘆頭

青橘皮

紫苑 去土

桃仁 湯浸去皮尖雙仁

木香

甘草 炙各半兩

柴胡 去蘆頭壹分

右件藥搗羅為末入在淨豬肚內繫定煮令極爛為度出與藥同杵令結丸如梧桐子大每服二十丸不計時候溫水飲下

香甲丸 治男子婦人童男室女氣血虛疎肌膚消

瘦百節疼潮作温五心煩熱四肢逆冷不思飲食中滿氣滯婦人經血凝澀建脾胃暢神氣充肌膚澤顏色

柴胡

生乾地黃

京三稜 各一分

鼈甲 醋煮

神麴

杏仁

熟乾地黃

麥蘖 炒各壹兩

牛膝

木香

薑黃

當歸 各半兩

白木

川芎 各壹分

右為細末白麴糊丸如梧桐子大每服十九空心茶清下或米飲亦得

右八方挾熱者宜之

聖惠訶梨勒散 治小兒羸瘦脾胃氣弱挾於宿食

不欲乳食四肢不和

訶梨勒皮

陳橘皮

黃耆

人參

藿香

桂心

甘草

炙微赤 剉半分

白茯苓

各壹分

右件藥搗麤羅為散每服一錢以水一小盞入生薑少許棗一枚煎至五分去滓溫服日三四服量兒大小以意加減

溫脾散 治小兒脾氣不和食少無力肌膚羸瘦

訶梨勒皮

人參

白朮

木香

黃耆

白茯苓

藿香

陳橘皮

甘草

炙微赤 剉壹分

湯浸去白瓤焙

桔梗

去蘆頭 各半兩

右件藥搗麤羅為散每服一錢以水一小盞入生薑少許棗一枚煎至五分去滓不計時候量兒大小增減溫服

五香煎 治小兒脾胃久虛喫食減少四肢羸瘦

丁香

沉香

木香

藿香

白朮

各壹兩

麝香

叁錢細研入

白茯苓

陳橘皮

湯浸去白瓤焙

黃耆

剉各壹兩

訶梨勒皮

甘草

炙微赤剉各半兩

右件藥搗篩為散以水五升慢火煎至一升以布絞汁却入鍋內煎麝香及蜜三合生薑汁半合棗肉二十枚慢火熬成煎每服以粥飲調下半茶匙量兒大小以意加減右三方挾冷者宜之

湯氏云小兒疳積其狀漸黃瘦拍背如鼓鳴脊骨如鋸乃積而生熱成疳也宜服蘆薈丸露星膏

蘆薈丸

龍膽草

黃連

蕪荑

去皮先炒黃色次入

前一二味一處炒赤色各壹兩

右為末另入蘆薈壹分和勻爛飯丸如黍米大二三歲兒服三十九丸空心米飲送下

露星膏

黃耆

蜜水炙

胡黃連

地骨皮

柴胡

各等分

右為末煉蜜丸如芡實大隔宿酒浸露一宿次日澄去酒薄荷湯浸服之

錢氏橘連丸

治疳瘦久服消食和氣長肌肉

橘皮 壹兩

黃連 米泔浸 壹兩半

右為細末另研入麝香五分用豬膽七箇分藥入膽內漿水煮候臨熟以針微刺破以熟為度煮粟米粥和丸如菉豆大每服十九至三十九丸米飲下量兒加減無時海藏云黃連苦燥可中瀉脾火長肌肉

一聖丸 治小兒藏府或好或瀉久不愈羸瘦宜常服

黃連 去鬚

黃藥 去麤皮 各壹兩

右為細末入豬膽內重湯煮熟丸如菉豆大每服

二三十丸米飲下量兒加減頻服無妨

張渙金粟丹

方見內

香蟾丹 治肌瘦面黃胸高脚細

乾蟾 伍枚水浸去骨用丸藏紙壹枚頂頭上取子以煙息為度取出地龍 壹兩燒灰胡黃連 貳兩

蛇蛻皮 壹兩燒灰地龍 半兩微炒

蟬殼 各壹分已上並為細末次入天竺黃 朱砂 半兩細研

麝香 壹分細研

右件都一處研勻糯米飴和如黍米大每服十粒米飲下不拘時候量兒大小加減

萬全方雷丸丹 治小兒一切疳肚脹腹滿手脚枯
細眼目口鼻生瘡身體壯熱痢下泄澀日漸羸瘦
面無光澤

雷丸 生

鶴虱 生

史君子 去殼

胡黃連 微炒

蘆薈 研各半兩

麝香 半錢研入

蟾 壹枚酒浸一宿慢火焙炙熟去皮足骨焙

木香

肉豆蔻 各壹分

燕萸 壹兩去皮微炒研入 朱砂 貳錢研留少許為衣

右件藥搗羅為末研合令勻用積豬膽四箇取汁
傾入瓷盞中外以重湯煮過和梓為丸如黍米大
每服五丸至七丸麥門冬熟水下早晨日午空心

臨卧服

孔氏神聖丸 肥小兒疳藥常服永無腸藏之疾

胡黃連 去皮

宣連 去毛

白燕萸 去皮

木香

蘆薈 各壹錢

史君子 貳拾枚

右除蘆薈一味外五味銀器內用豬膽汁熬成膏
後入蘆薈同丸如菽豆大每服五七粒空心日午
臨卧米湯下神效

柴胡

黃連

秦艽 各壹兩淨

燕萸

貳兩用瓦上博乾去殼取肉別為末臨時入用

右用豬肚一箇中庸者破開淨洗入前藥三味末於內以酒半餅童子小便一升煮乾春令得所放蕪莫末又春勻丸如桐子大每服二十丸飲下
王氏手集治小兒疳瘦大人五勞七傷方

宣黃連

半斤去鬚及蘆頭為細末黃連末蘆頭在內發谷於三斗米內蒸以米熟軟為度

豬豬肚

壹箇去脂膜將

右件取出爛研丸如粟米大風乾隨兒大小加減日三服三歲兒每服五七丸至十丸大人服如桐子大每服二十丸空心米飲下
趙氏斧槌丸 治小兒疳久服肥白

乾蝦蟆

壹枚

白礬

膽礬

綠礬

各半兩肆味同入罐子內炭火燒礬枯為度

京三稜

石三稜

雞爪三稜

草薺

鶴虱

雷丸

淡蕪蕪

黑狗脊

木香

沒石子

史君子

蘆薈

熊膽

右為末醋煮乾棗取肉爛研入少麵糊和藥極熟丸如棗豆大每服朱丸米飲下

玉拄杖散 治小兒疳瘦

黃芪

白茯苓

人參

虛癯

力子

通九

白朮 各壹兩

右為末以水壹盞藥壹錢煎柒分溫服

蘆薈丸 治小兒諸疳羸瘦不生肌肉

蘆薈

木香

紅芍藥

沒石子 各半兩

史君子 去殼

胡黃連 各貳錢半

肉豆蔻 貳錢

人參 壹錢

右為細末入麝香半錢別研令細與藥拌勻蜜水

打麵糊為丸每服拾伍丸米飲下空心食前服

吉氏益兒丸 治小兒一切疳瘦夜多盜汗肌肉熱

人參

白朮

茯苓

柴胡 去苗

甘草 炙

陳皮 去白

鼈甲 醋炙去

京三稜 濕紙裏煨香

右細末煉蜜圓如雞頭實大每服壹丸米飲化食

前日三服

朱氏家傳肥兒丸

白蕪荑 去殼

黃連 去鬚

神麩

麥蘖 各等分

右為末用豬膽煮糊圓如大麻子大每服叁拾

丸食前米飲下張氏家傳莊氏家傳方皆同或治

疳積或治疳瘦

六味肥兒丸 治疳多因缺乳食肉太早或患臟腑
胃虛療諸般疳化蟲治黃瘦肚急消疳退疳熱可
常服

黃連

局方加肉豆蔻

陳皮

去白局方去此用木香

神麩

炒局方有

麥蘖

炒各壹兩局方加三稜蓬莪

川棟肉

炒壹兩

白蕪荑

半兩局方去此用檳榔

右為末神麩糊丸麻子大每服叁拾丸空心米飲
吞下 謹按前方又治脾疳飲食少思肌肉消瘦
肚大頸細髮稀成穗項間結核發熱作渴精神倦
怠大便酸臭嗜食泥土或口鼻頭生瘡壯見青筋

錢尤妙 藜藿下利便白五疳用此丸加乾蟾壹兩蘆薈伍

秘方肥兒丸

消疳進食

黃連

伍錢

木香

壹錢

神麩

麥蘖

各壹兩並炒

史君肉

煨

肉豆蔻

麵裹煨各伍錢

檳榔

壹枚

蝦蟇

壹箇

白朮

壹兩

朱氏家傳治小兒脾疳疳瘦驚積方
右為末麵糊丸如粟米大空心米飲下量兒加減
右用黃蘗蘗壹箇去瓤用黃連末填滿蒸爛取出
用朴硝末壹錢蓋頭臨夜方取然後露一宿研爛

為丸如小菘豆大每服伍丸熟水下
潔古云小兒疳病肌瘦血氣不足同大人勞瘵之疾
治之按以潔古此論詳之不拘冷熱虛羸皆用四
君子地黃丸與前藥相兼服為得也然有胸膈積痰
不受參朮地黃之補者先用清疳取積之藥然後補
劑可施故備載諸方以俟採擇誠以病之變態多端
非執一隅可以御百變若看方三年無病不治者鮮
不以為繁雜矣

針灸

羸瘦不生肌膚胃脘灸壹壯

田小兒疳瘦於胷下骨尖上灸參壯次於脊下端尾

翠骨尾上灸參壯

小兒疳瘦脫肛體瘦渴飲形容瘦悴諸方不瘥者取
尾翠骨上三寸骨陷中灸參壯

小兒身羸瘦黃脈腹腫四肢懈惰肩背不舉章門二
穴各灸柒壯

鶴節

湯氏云小兒鶴節由稟賦不足血氣不榮肌肉瘦瘠則骨節皆露如鶴之足皆腎虛不生骨髓之故治法宜錢氏地黄丸加鹿茸牛膝
地黄丸 治頭顱不合體瘦骨露有如鶴膝皆腎虛不足并治腎疝天柱傾倒腎主骨也

熟地黄

洗焙 捌錢

澤瀉

洗貳 錢

牡丹皮

去心 錢

白茯苓

各叁 錢

山茱萸肉

牛膝

鹿茸

酥炙 錢

山藥

各肆 錢

爲米蜜丸梧子大三歲已下三二丸溫水空心化下

疳積

丁奚

疳脹異名

巢氏云小兒丁奚病者由哺食過度而脾胃尚弱不能磨消故也哺食不消則水穀之精減損無以榮其氣血致肌肉消瘠其病腹大頸小黃瘦是也若久不差則變成穀癥傷飽哺露病一名丁奚三種大體相似輕重立名也 眞珠囊凡小兒或因吐而瀉久不差或病退不能行膝大腸紅號曰丁奚七歲已下號鼓椎風十五已下名鶴膝風蓋此並是風冷傷於腎所致腎主骨故也 莊氏疳脹丁奚辨證云小兒腹

疳積

疳積

大如有青筋見即曰疝脹也如無青筋乃名丁奚是因過飽傷食而得之曾丁奚者亦久積成疝之證皆因飲食過傷於脾胃脾胃虛不能磨化飲食飲食漸減無以生其氣血面白色慘潮熱往來腹大而多青筋手足如筒顛顛開解頸項小而身黃瘦先投萬應丸通治五疝次參苓白朮散不乳食早晨一服與養胃氣及醞醕散進食食後下烏犀丸積三粒至五粒助脾化食此即用迎奪之法間投醒脾散慢驚沉香檳榔丸木香莪朮丸宿食次第調理有渴瀉腹痛千金膏自好若脾氣稍和飲食漸進再以化癖丸積快活丸

常服或用烏犀丸略下一二三行勻氣散疝止補有寒熱往來柴胡飲舟熱主之腹脹投南星腹皮散水腫有餘熱麥芽柳枝煎湯調三解散潮熱有蟲下史君子丸腹痛斯疾得之非一朝一夕然施治之法亦須漸漸令其平復欲求速效則難矣凡雞酒羊麪魚鮓甘甜生冷毒物宜忌之

十全丹 治丁奚噴露神效
檳榔 枳殼麩炒 青皮
陳皮 三稜炒 蓬朮炒
砂仁各半兩 丁香 木香各壹分

香附 壹兩

右為末神麴糊丸如黍米大空心食前米飲下百丸一方去香附砂仁丁香三稜枳殼加五靈脂白蔻史君子蘆薈蝦蟇川芎

醍醐散 治吐瀉後調和脾胃消進飲食及丁奚嘔

露虛熱煩渴氣逆心惡

陳皮 去白

縮砂仁

厚朴 去麁皮剉

良薑 土炒

麥芽 洗淨焙乾

烏梅 和核各

草菓仁 炮貳

乾葛

烏藥 各貳錢半

甘草 炙參

甘草 炙參

右碎每服二錢水一盞薑二片棗一枚鹽少許煎

七分空心溫服

快活丸 治丁奚疔證皮膚瘦削骨露如柴肚大青

筋小便白濁睡卧煩躁神氣昏沉常服健脾化積

進食肥肌

蒸餅 壹兩去頂剉空入青礬半錢重仍碎餅

候冷用之 屑緊塞上用紙封定灰火中炮透取出

右件剉焙為末別以肥棗用米泔水浸經一宿飯上蒸少時去皮核用乳鉢爛杵如糊同前餅末亭分再杵勻丸麻仁大每服二十九至五十九溫米

清湯無時送下兒小者亦以米湯化服其蒸餅不
拘箇數大約以壹兩入青礬半錢重為定下常如
前法製半斤作一料後人切勿以見方不重藥為
誤余嘗屢試屢驗其餅如南饅頭樣者是也

聖惠赤芍藥丸 治小兒丁奚雖食不生肌肉腹大
食不消化

赤芍藥 川大黃微炒 鼈甲醋塗炙令
桂心 赤茯苓

右件藥搗羅為末鍊蜜和丸如麻子大每服煎蜜

湯下五丸日三服

嬰孺芍藥丸 治小兒百病有寒熱大腹食不消化
不生肌肉痿痺

芍藥 茯苓 大黃各伍分
柴胡肆分 鼈甲叁分 桂心貳分

人參壹分

右為末蜜丸三歲已下服三小豆大不知加之七
八歲三桐子大不知加之苦腹堅大者加鼈甲壹
分渴者加菰藟貳分病甚者服二十日効已試大
良一方有杏仁貳兩人參參分

張渙大麝香丹 治小兒羸瘦腹大見青筋及丁奚等病

麝香研

朱砂細研

粉霜研各

五靈脂

肉豆蔻仁

乾蟾塗酥炙

夜明砂

白礬灰各半

乾地龍炒壹

乾蟻朱箇去翅

右件搗羅為末與朱砂等同研勻細煉蜜和如黍米大每服三粒至五粒温水下量兒大小加減服之

初虞世治小兒腹如蜘蛛四肢瘦者用黑骨雞子破

頂入蜘蛛壹枚於內以濕紙糊竅用文武火煨熟

去蜘蛛食其雞子累効必數枚方愈

肘後方搗左薤根以豬脂煎稍稍服 或熟炙鼠肉

哺之亦治哺露

哺露

湯哺露者因乳哺不消脾胃衰弱漸不能食血氣減損肌肉不榮柴骨羸露吸吸苦熱謂之哺露也宜麝香進食丸方見積癰

曾哺露者亦由乳哺不節損於脾胃脾胃損而飲食減形容羸瘦則藏府之氣不能宣通時有熱謂之哺露此候與丁奚相去不遠但食多吐逆藏氣虛冷而泄瀉無度糞中有蟲治法同前丁奚證藥惟加養藏湯服之方見赤痢

哺露

方見赤痢

百卷

聖惠人參丸 治小兒哺露失衣當風濕冷水浴苦
腹大時痢或寒熱如瘧不欲食縱食不生肌肉或
不消化四肢羸瘦

人參

麥門冬去心

半夏湯洗七遍去滑

黃耆

川大黃微炒

白茯苓

柴胡

黃芩各參

訶梨勒煨用

甘草炙微赤剉

鼈甲塗醋炙令黃去裙襴各壹兩

芎藭半兩

右件藥搗羅爲末鍊蜜丸如麻子大一二歲兒以
粥飲下三丸四五歲五九日三服量大小加減

宿食

食積寒熱 痢

傷寒論人病有宿食何以別之師曰寸口脈浮而大
按之反澀故知有宿食當下之宜大承氣湯傷寒然
同二發熱而傷食者惟肚腹之熱爲甚且糞極酸臭
夜間潮熱尤傷積之明驗也 小兒宿食不消者胃
納水穀而脾化之兒幼不知搏節胃之所納脾氣不
足以勝之故不消也神麩麥芽之屬皆腐化之物昔
賢已謂能傷胃中生發之氣矣况進而三稜莪朮乎
况又進而牽牛大黃巴豆乎脾氣一受傷於食再受

傷於藥至於下之而氣已一脫矣所存幾何故夫尅食之藥不可多用下積之藥尤不可不審其證之可下與不得不下而後用也 錢氏論食不消脾胃冷故不能消化當補脾益黃散主之

保和丸 治飲食停滯胸膈痞滿噯氣吞酸或吐瀉

腹痛加白木壹兩
即大安丸

神麴炒

山查

半夏

茯苓各壹兩

陳皮

連翹

蘿蔔子炒伍錢

右為末粥丸桐子大每服三十丸白湯送下

愚按前方行氣尅滯之劑若元氣無虧暴停乳食而致斯證者宜用此消導之若元氣虛弱而乳食所傷者必調補胃氣為主而佐以消導若乳食已消而作嘔者乃胃氣被傷當用異功散補之不宜仍用前藥重損胃氣治者審之

木香大安丸

木香貳錢

黃連

陳皮

白朮各叁錢

枳實

山查肉

萊菔子炒

連翹

神麴炒

麥蘖炒

砂仁各壹錢半

右為末神麩糊為丸陳廩米湯下

消食丸

又名消乳丸

治宿食不消

砂仁

陳皮

三稜

神麩

麥芽

香附

右末麩糊丸如麻子大食後白湯送下大小加減

七聖丸

三稜

蓬朮

川棟

青皮

陳皮

芫花

杏仁

右件等分先用醋浸芫花一宿炒漸乾次入蓬朮

同炒赤色又入陳練等再同炒一處令微焦取出

為末前藥如各半兩杏仁亦用半兩湯浸去皮尖

雙仁不用細研入巴豆二十粒去油和勻醋糊丸

如黍米大一歲兒常服二丸臨卧温熱湯送下使

日間所食之物一夜而化永無疴疾能使黃瘦子

頓作化生兒今之小兒可去巴豆只入杏仁名七

聖丸是也

三稜散

主諸般停滯疴積發熱瀉痢酸醜水穀不

化常服和脾胃進飲食長肌肉益神氣

人參

去蘆柴

三稜

炮剉

淨香附

各壹兩半

青皮 去白

枳殼 去穰炒

半夏 製

紫蘇 去老梗

右碎每服二錢水一盞薑三片倉米百粒煎七分

無時溫服氣虛者加白茯苓壹兩

莪朮丸 和脾益胃消進飲食寬膈快氣悅色清神

莪朮 炮制

醋浸心白慢火煎乾再焙

青木香 去蘆

益智仁

神麩 炒

莪朮 醋煮透瀝乾炒焙

甘草 半生半炙壹兩貳錢

陳皮 去白

穀芽 洗焙

大黃 半生半炮

三稜 炮制

檳榔 壹兩薄切

穀芽 淨洗焙乾

淨香附 三味各肆兩醇

生牽牛末 壹兩另研

青皮 去白各半兩

華澄茄

丁香

南木香 各肆錢

右除檳榔丁香木香不過火及牽牛末餘七味剉焙仍同檳榔木香丁香為末臨入牽牛末和水煮麩糊丸菽豆大每服三十丸至五十丸無時用淡薑湯下溫茶溫酒皆好兒小者在粟米大粒數下法如前

丁香脾積丸

三稜 煨去毛

青皮

陳皮 各伍錢

莪朮 去皮炒

巴豆霜

丁香

神麩 炒各錢

小蘘香 炒

木香 各叁錢

右為細末醋調神麩糊為丸如菉豆大每服五七丸生薑湯下

三黃枳朮丸 治傷肉濕麩辛辣味厚之物致填塞悶亂不快

枳實麩炒 伍錢 黃連酒浸 炒 大黃濕紙 裹煨
白朮各壹 兩 黃芩伍錢

右為末湯浸蒸餅為丸如菉豆大每服五十九白湯下臨時量所傷多少加減服之

聖惠訶梨勒散 治小兒宿食不化少欲飲食四肢消瘦腹脇多脹

訶梨勒皮參分 人參 白朮

麥蘗炒令 微黃 陳橘皮去白 檳榔各半 兩
甘草壹分炙 微赤

右件藥搗麩羅為散每服一錢以水一小盞煎至五分去滓量兒大小分減溫服日四五服

朱氏木香丸 治小兒氣開胃進食

木香 人參 白茯苓
青皮 陳皮 肉豆蔻各壹 分

右為末麩糊丸麻子大每服十九薑湯下

宿食

刀剪

原書

朱氏洗心散 治小兒乳食傷心作壯熱喘息不調
咳嗽多睡

甘草 壹錢

後於盆下蓋良
久出火毒左用

麥門冬 壹分

皂角 半兩入沙
糖塗酥炙

未右爛杵不羅每服二錢水一盞煎至八分作五服
時時喫

養脾丸

人參

川芎 各壹錢半

黃連

白朮

木香

陳皮 各壹錢

當歸

青皮

砂仁

山查肉

神麴 炒

麥芽 伍分

右為細末水調神麴糊丸如麻子大每服三五十
丸陳倉米飲下

食積寒熱 小兒食積者因脾胃虛寒乳食不化久而
成積其證至夜發熱天明復涼腹痛膨脹嘔吐吞
酸足冷肚熱喜睡神昏大便酸臭是也有前證而兼
寒熱者名曰食積寒熱若食在胃之上口者吐之胃
之下口者消之腹痛痞脹按之益痛者下之下後仍
痛按之則止者補之夾食傷寒者先散之用參蘇飲
熱甚便秘者先利之用大柴胡湯如無外感但只傷

食不至於甚保和丸調之蓋脾為至陰之藏也故凡脾病者至夜必熱熱而兼寒則又見所勝者侮所不勝矣食未消者消之則寒熱自止食既消者補之則寒熱自痊若手足並冷喜熱飲食此中州虛寒也宜溫之太便秘去不去脾氣下陷也宜升之若夜間或侵晨泄瀉者脾腎俱虛也用四神丸瀉手足並熱作渴飲水者脾胃實熱也用瀉黃散脾大便秘結用大柴胡湯潮熱手足雖熱口不作渴大便不實者用白朮散瀉仍參腹痛腹脹積痛積滯治之

食積痢

曾有食飽傷脾脾氣稍虛物難消化留而成

積積敗為痢腹肚微痛先調胃氣次理積却止痢則病根自除和中散吐瀉理虛養胃二稜散見前烏犀丸預助脾化積沉香檳榔丸積守中湯瀉進食止痢仍忌生冷粘膩等物不致復作千金治小兒食不知饑飽方用鼠屎二七枚燒為末服之

痞結

此痞在腹內與心下之痞不同

楊痞者塞也結者實也熱氣蘊於胸膈之間留飲聚於腹脇之內於是榮衛不能流行藏府不能宣通由脹滿而致痞結勢使然耳此熱實之證也時或發為壯熱聖惠甘遂散主之此藥治小兒痞結雖服湯藥時暫得利而滯實不去心下堅脹按之即啼內有伏熱諸候併成此疾宜疎利大便破結散氣後宜常服進食丸按進食丸有巴豆豈宜常服甘遂有太毒瀉水如決江河非十分壯實十分危急十分水氣三

痞結

刀手

百六十二

者俱備未可輕用今以為痞結主方謬矣 醒痞癖
既久飲食減少脾氣必虛久而不愈必先以固胃氣
為主使養正則積自除若欲直攻其結不惟不能善
消抑亦損其脾土脾土既虧必變證百出矣當參各
類及隨見證而主治之 一小兒患痞癖服檳榔蓬
朮枳實黃連之類痞益甚余曰此脾經血虛痞也不
可剋伐遂用六君子加當歸數劑胃氣漸復諸證漸
愈乃朝用異功散加升麻柴胡夕用異功散加當歸
芍藥而愈 一小兒患痞結服剋滯之藥余謂屬形
病俱虛當補中氣彼不信仍行剋伐遂致虛火上炎

齒齕蝕爛頷下結核余用大蕪荑湯及異功散加減
用之而安 一小兒患痞結久而四肢消瘦肚腹漸
大寒熱嗜卧作渴引飲用白朮散為主佐以四味肥
兒丸月餘諸證漸愈又以異功散加當歸并六味地
黃丸又月餘而愈 一小兒患痞結身熱如火病狀
多端不可盡述朝用五味異功散夕用四味肥兒丸
月餘諸證稍愈佐以地黃丸自能行立遂朝用地黃
丸夕用異功散及蝦蟇丸數服而愈
聖惠前胡散 治小兒腹內痞結壯熱羸瘦多啼

前胡

川大黃

各參分 枳殼炒微黃

赤茯苓

犀角屑

郁李仁湯浸去皮微炒

鼈甲

塗醋炙令黃去裙襴各半兩

右件藥搗麤羅為散每服一錢以水一小盞煎至五分去滓看兒大小分減溫服微利為度

聖惠甘遂破結散

甘遂

煨貳錢半

青皮

浸去白焙

黃芩

川大黃

剉細煨各半兩

右為麤末每服一錢水一小盞煎至六分去滓溫

和服量大小加減得通利則止後以冷粥補之

進食丸

治乳食不消心腹脹滿壯熱喘急嘔吐痰

逆腹鳴泄瀉米穀不化或下痢赤白腹痛後重及食癥乳癖疝氣痞結並皆治之小兒胸膈熱實腹內有留飲致令榮衛痞塞腑臟之氣不得宣通其病腹內氣結脹滿或壯熱是凡有此疾當疎利大便破結散氣

巴豆霜

壹錢貳分

當歸

米泔浸下宿炒

硃砂

代赭石

煨醋淬七次

枳殼

炒

木香

各半兩

麝香

少許

右為末麩糊為丸如麻子大一歲兒一丸溫米飲下更量虛實加減食後服治食積發熱羸瘦肚大

青筋疳積肚疼嘔露

湯戶部張侍郎小娘子患此蘊積結聚已經年矣其候腹滿壯熱大小便閉不食諸醫皆作虛熱潮熱或作胃寒不食治然既不食大小便自然少又欲作疳熱治百藥俱試而無一中勢已窘迫招予視之問曰合服何藥答曰當服甘遂大黃張驚駭曰前諸醫者皆用補劑此女不進食久矣不宜利動腸胃予答曰信我者生逆我者死張曰更有無甘遂而次於此藥方者可否予令即服大承氣湯一服而愈次日診之尚有餘滯積實其證必過數日而腹閉須服前藥始

可除根數日後果再開腹滿痞結再投此藥一服而痊

右疎利大便例形氣俱實者宜之

枳朮丸

白朮

肆兩

枳實

貳兩

右為末荷葉包煨爛飯為丸桐子大每服四五十九空心白滾湯下

枳實理中丸

枳實

拾陸片

茯苓

人參

白朮

乾薑

甘草

炙各貳兩

右為末煉蜜和丸如龍眼大每服一丸熱湯化下
 連進二三服胸中豁然渴者加栝蒌根壹兩自汗
 者加牡蠣貳兩煨過下利亦加
 快膈湯 理胸膈不快飲食少進亦能順氣和中消
 導宿滯

人參 去蘆
 青皮 去白
 烏藥
 良薑 製
 縮砂仁
 香附子

甘草 炙各壹兩
 為細末每錢溫鹽湯空心調服
 參米陷胸湯

人參
 橘紅
 黃連
 白朮
 半夏 各壹錢
 甘草 各伍分
 茯苓
 瓜蒌 全用細切帶濕冬錢
 右用水一鍾半生薑三片棗一箇煎七分溫服
 潔古云飲食不進四君子加薑棗煎

積

漢東王先生家寶小兒積病可醫者九ツ 面上虛腫
 是積積者是脾之所係脾主身之肌肉故應面故知
 是脾積其脾係土土無正形故早晚浮腫不定多則
 早浮其睡則脾不磨上面作腫若病後此證則是虛
 中積宜用調脾消積行氣等藥ツ 面合地卧是積何
 以合地其受積在脾是冷積何以知之其脾好土故
 知在脾其冷者屬陰故知傷冷硬食得之宜下熟積
 氣藥耳 腹脹是積其積在肺何以知之其肺主於

積

刀斗

百

古用米一匙半生薑三片東一兩煎水吞服

黃連

甘草

蘇珠

半夏

人參

白木

茯苓

小麥

帶熟麥

氣纔當受積其氣便冷腹脹滿氣急故知在肺如腹
脹先宜調氣後轉轉後更宜調氣小便如油是積
其積在小腸何以知之其積受於脾脾當傳心心不
受觸則入小腸小腸是心之腑故知在小腸則節其
水道小便如米泔油相似也髮黃是積是積氣傷
心心主血脉陰遍身毛髮被積氣所干則髮黃故知
是積傷心宜下空心散及取積藥此人必時復發熱
也赤白痢是積其積在肺受傳大腸及有外傷冷
而得何以知之其肺主西方庚辛金其色白後赤則
是外邪故知肺傳大腸則為赤白痢也宜取後調氣

兩眼黃赤睛青是積其積在肝何以知之肝主東
方甲乙木色青却被積氣所干即黃赤睛青者眼屬
五藏肝是其主脾若受積故令眼睛青是肝受積若
傳膽其人口苦不要喫物宜涼藥退之遍身虛腫
是積其積不在藏只在府何以知之為其積曾取後
被藥發動即不在藏故出皮膚之間為腫也只宜下
取虛中積藥然後補之多瀉白糞是積是受冷積
在脾何以知之脾主化受冷積在脾冷滑而瀉白糞
故知在脾宜先轉後熱藥補之積病不可醫者六
喘急是肺積肺主氣其喘急則肺絕其人當面白

全無血色故不可醫也。面黑是腎積其人面黑者，是腎絕也。人當不辨好惡，眼直無光，只得一日而死也。吐熱氣是榮積，其不醫者是血絕不可治也。血主心，心不能管故出熱氣不止耳。手脚心生瘡，是衛積，衛者氣也。胃氣不生，故手足生瘡。若衛絕則氣不回，只得半日也。惡心吐乾嘔，是胃積，何以不醫？胃主化食，其胃熱則惡吐，故不治。其人必食乳不化，不食亦乾吐嘔，面色青黃無血色也。瀉久住又瀉，是積咬脾爛，何以知其脾爛？其人當瀉白糞為食，不消住了却放糞赤黑而死，即知脾爛不可治。

寶鑑論小兒五積為藏氣不行蓄積一處不動故曰積。夫心為伏梁在臍上，上攻其心，下攻胃口，脾為痞氣在胃口，上橫之肝為肥氣在臍之左，邊肺為息貫在臍之右，畔腎為膏豚在臍下，各有變動非食之所成，乃氣積也。藏屬陰故在一處而不動也。聚謂六府之氣留聚也。府屬陽，陽氣運轉不停，故其聚不定。一處發而腹痛積聚之候，皆面黃瘦劣，啞嚥不生肌，肉髮立或肌體浮腫，腹急多困，多為水氣。真珠囊虛中積候，凡驚中虛積者，謂因驚取復驚，發動是也。所下糞青穢，凡虛中有積者，因傷食而瀉，又

貴
切
耳
八
三
五

吐如此漸虛其病未差故曰虛積也又虛中之積有積而頻頻取轉却取轉不着致其積尚伏故亦曰虛中積若驚積取下則糞隨驚青如是食積即糞成塊子凡疳中虛積者因疳病轉瀉虛而疳不退故虛中爾所取下糞裏白色也

曾凡嬰孩所患積證皆因乳哺不節過養生冷堅硬之物脾胃不能化積停中腕外為風寒所襲或因夜卧失蓋致頭疼面黃身熱眼胞微腫腹痛膨脹足冷肚執喜睡神昏飲食不思或嘔或噦口噫酸氣大便酸臭此為陳積所傷如覺一二日先以百傷飲外

感發表次當歸散潮熱水薑煎服溫動積滯方下烏

犀丸六聖丸重與寬利後用勻氣散和調補湯凡有積滯須辨虛實况孩兒虛瘦長短黑白南北古今不同不可一槩論也予今之法實者可服進食丸虛而微白及疳瘦者宜服肥兒丸即三因肥兒丸見腹脹條薛初患元氣未損之時或腹脹作痛大小便不利者先用白餅子或木香檳榔丸下之下後以白朮散或五味異功散和之渴加乾葛吐加半夏下而熱不退或作嘔作瀉飲食不思此脾胃俱傷也用六君子湯手足指冷喜飲熱湯此脾胃虛寒也前方加炮薑木香面

積

取積
虫豆

色黃白目無精光脾肺俱虛也用四君子加柴胡升
麻腹痛泄利下重或小便不利者用四逆散發熱嘔
熱或瀉末已脾氣下陷也潮熱口渴大便不調欲變
疝證也並用補中益氣湯佐以肥兒丸經云邪之所
湊其氣必虛留而不去其病乃實必以調脾為主而
以消導佐之古人所謂養正積自除正此意也
千金紫雙丸 治小兒身熱頭痛食飲不消腹中脹
滿或小便絞痛大小便不利或重下數起小兒無
異疾惟飲食過度不知自止嘔乳失節或驚悸寒
熱惟此丸治之不差更可重服小兒欲下是其蒸

候哺食減少氣息不快夜啼不眠是腹內不調悉
宜用此丸不用他藥數用神驗千金不傳方臣億

序例中凡云服紫丸者即前變蒸篇中四味者是也云服紫丸不下者服赤丸赤丸差駛病重當用之方中並無赤丸而此用朱砂者又方緊於紫丸疑此即赤丸也

巴豆 去皮

麩核仁 去皮各拾捌銖

甘草 炙伍銖

牡蠣 火煨

黃蠟 各捌銖

甘遂

朱砂 各貳銖

麥門冬 去心拾銖

右八味以湯熟洗巴豆研新布絞去油別搗甘州
甘遂牡蠣麥門冬下篩訖研麩核仁令極熟乃內
散更搗二千杵藥燥不能相丸更入少蜜足之半

青

方

三

歲兒服如荏子壹雙一歲二歲兒服如半麻子壹雙三四歲者服如麻子貳丸五六歲者服如麻子大貳丸七歲八歲服如小豆貳丸九歲十歲微大於小豆貳丸常以雞鳴時服之至日出時不下者投粥飲數合卽下丸皆雙出也下甚者飲以冷粥卽止

茅先生青金丹 小兒諸積病悉主之

滑石 未

白丁香 羅過

天南星 各貳錢七

青黛 羅過半錢 滿挑貳錢 輕粉 重貳錢

水銀 秤貳錢 先以錫貳錢於銅銚內鎔化 便下水銀拌和勻傾出於地冷用

川巴豆

去皮心膜米拾貳箇無缺損者并華水浸壹宿懸當風處吹乾爛研

右前件藥同拌合用軟飯為丸如小菘豆大巴豆不出油依形證用湯使下 傷寒後取積淡煎葱湯吞下取疳蟲用牛肉炙汁下驚風肚中緊硬面青黑金銀薄荷葱湯吞下因傷看肚中及腹皮上微熱肚脹夜間作熱似疳又不是疳面青黃色眼微黃此腹中有積用皂角子貳柒粒灰火煨過用水壹盞煎至半盞下有積作瀉魚鮓湯下氣積炒懷香湯下凡下此藥周歲拾肆丸三歲拾捌丸七歲貳拾肆丸量大小加減下須是四更初下至天

貴

力斗

百三二

明通下積來盡時可依形證候下藥補之臨喫此藥恐先吐下此小涎來亦不妨

萬靈丸 主小兒諸積依形證用之

木香 黃連 蓬莪茂 各半

陳橘皮 青橘皮 各去瓢 壹分 檳榔 壹錢半 重者壹枚

右為末每七藥壹錢用巴豆壹粒去心膜用醋煮巴豆壹枚煮藥令巴豆紫色用杏仁壹枚去皮尖燈火上煨留性二味都研用醋麵糊為丸如小菽豆大每服伍丸柒丸拾丸薄荷薑湯吞下

錢乙消積丸

丁香 玖枚 確砂仁 拾貳枚 烏梅肉 叁箇 焙

巴豆 貳枚 去皮 油 心膜 去

右為細末麵糊丸黍米大三歲已上參伍丸已下

參貳丸温水下無時

紫霜丸 消積聚

巴豆 去油 心膜 杏仁 去皮尖 各拾壹箇 代赭石 壹錢 研細水飛

右為細末飯丸如粟米大每服叁伍丸至拾丸煎皂角仁湯下無時兒小者減之

真末丸 取小兒虛中一切積聚驚涎宿食乳癖治

大小便澀滯療腹脹行滯氣

木香

白丁香 真者

丁香 末

輕粉

各半錢留少許為衣 白滑石 末貳錢

巴豆 拾肆粒水浸壹宿研

右為末研勻濕紙裹燒粟米飯丸麻子大一歲壹丸八九歲以上至十五歲服捌丸炮皂子煎湯放冷下挾風熱難動者先服涼藥一服乳癖者減丸數隔日臨卧一服

消堅丸 消乳癖及下交妳又治痰熱膈實取積

硃砂 末

巴豆霜

輕粉 各壹錢

黃明膠 末伍錢 細墨 少許

水銀沙子 兩皂子大

右同研細末少入麵糊為丸如麻子大倒流冰下一歲兒服壹丸食後

白餅子 治小兒腹中有癖不食但飲乳是也

滑石

輕粉

半夏 湯洗焙乾

南星 各壹錢為末

巴豆 貳拾肆粒去皮膜水壹升煮水盡為度

右研勻巴豆後入衆藥以糯米飯為丸如小菉豆大捏作餅子兒三歲已上叁伍餅四歲以下壹貳餅蔥白湯下臨卧服

張渙萬靈丹 治小兒脾胃久不和挾積服溫熱藥皆不効此藥神妙

青

力

三

肉桂

川黃連

蓬莪茂各壹兩

肉豆蔻仁

檳榔

陳橘皮去白焙乾

木香

丁香

各半兩已上擣羅為細末次用

巴豆去皮心膜

杏仁

擣炒去皮尖貳件並燈上燒灰存性各貳米箇

右件同再擣拌勻滴冰丸黍米大每服未周時壹粒二三歲貳粒三四歲叁粒五七歲伍粒十歲已上米粒用生薑湯放冷下乳食後久積或乳癖並宜常服

剪紅丸 磨癖積殺諸蟲進飲食神効男女老幼皆可服孕婦勿服

乾漆炒煙盡

紫堇花醋拌炒各壹錢 巴豆米粒去皮膜心不去油

斑蝥米枚去頭足翅炒研時塞兩鼻孔

右為末醋糊丸梧桐子大用紅紗包紅線縛定剪下來每服壹丸同後藥服之

南木香

雷丸

三稜生

莪朮生

百部微炒各半兩

貝母

檳榔

大黃生各壹兩

史君子肉肆拾枚

半生半炒

牽牛生半斤取頭末叁兩半

為細末用皂角拾錠搥碎山茵陳兩壹苦棟根皮兩貳水肆伍碗砂鍋內慢火煎至壹小碗將前末搜

為丸梧子大日乾小兒粟米大每服貳錢半重各
 隨後證改湯使引下五更初服忌葷腥生硬油膩
 物此方與諸方甚異母忽小兒齁齶喘急咳嗽
 桑白皮湯下取寸白蟲煎石榴根湯下脚氣
 腫不可行木瓜湯或蜜水下取蛔蟲苗蟲沙糖
 水下小兒一切諸證蜜水或沙糖水酒痢
 酒積百藥煎湯下婦人血脈不行淡醋紅花湯
 送下婦人血蠱蔥白湯下腸風下血煎山梔
 子湯下大小便不通淡醋湯下食積氣塊諸
 證用溫蜜水溫茶湯下

真方五色丸子

治小兒一切所傷痰涎壅塞胃膈
 不利乳食不消變生癖積脇肋片硬按之疼痛及
 治一切急慢驚風發搐痰涎壅塞

- | | | | |
|-----|----------------------|-------------------------|----------------------|
| 青九子 | 青黛 <small>別研</small> | 南星 <small>薑製各半兩</small> | 巴霜 <small>半錢</small> |
| 紅九子 | 朱砂 <small>飛水</small> | 半夏 <small>薑製各半兩</small> | 巴霜 <small>半錢</small> |
| 黃九子 | 大黃 <small>煨</small> | 鬱金 <small>各半兩</small> | 巴霜 <small>半錢</small> |
| 白九子 | 白附子 <small>生</small> | 寒水石 <small>煨各半兩</small> | 巴霜 <small>半錢</small> |
| 黑九子 | 五靈脂 <small>炒</small> | 全蝎 <small>炒各半兩</small> | 巴霜 <small>半錢</small> |
- 右前五色藥各另研為細末入巴霜半錢同勻麵
 糊丸粟米大一歲服伍丸乳汁送下量大小加減

責
 方
 八
 三

或薑湯下急驚金銀薄荷湯慢驚生薑全蝎湯
下積丸 治乳食傷積心腹脹滿氣麤壯熱或瀉或嘔

丁香貳拾粒

縮砂仁貳拾枚

史君子肉伍枚

烏梅

巴豆肉不去油各叁枚

右為末爛飯丸麻子大每服叁圓陳皮湯下

五珍丸 治酒食積通用

青皮

乾薑燒存性

蓬木

五靈脂各壹兩

巴豆肉去半油壹錢

右為細末粳米飯圓麻子大每服叁伍丸米湯下

局方進食丸

治乳食不化心胸脹滿疳積肚疼

木香炮

枳殼去白炒

當歸

代赭石各伍錢

硃砂另研叁錢

巴豆去油膜壹錢

麝香另研五分

右為細末麵糊丸如黍米大一歲貳丸量兒大小

加棧米飲送下

六聖丸

治諸積和胃大能主氣厚腸消疳快膈

莪茂炮剉

淨黃連

陳皮去白

白薑炮各伍錢

南木香貳錢半

右除木香不見火餘四味剉焙同木香為末每壹

積

力半

三五

錢重巴豆參粒去殼膜心存油碎切入乳鉢細研
同前藥再研勻醋煮麵糊丸麻仁大每服拾伍粒
至貳拾伍粒或參拾伍粒五更空心淡薑湯下利
參伍行勻氣散止補方見常服助脾化積進食消
疳臨睡以淨湯或湯酒下參粒及伍粒每次止丸
藥末參錢淨巴豆玖粒為則不可多合久則味散
烏犀丸曾氏主諸積滯夾驚夾風溫胃調脾消進飲食
吐逆醋醜氣面黃肌瘦不拘孩兒生後歲月遠近
並宜可投

烏犀即皂角劉參斗長投灰火中見青烟起為度取出地上瓦盆蓋足存性冷用柴錢

硫黃

白薑

陳皮

川烏炮去皮臍各伍錢

巴豆去殼膜心存油柴拾米粒

右先研硫黃細除巴豆外餘四味同焙為末却薄
切巴豆細研同前五味藥末杵勻用粳米飯包作
一大粽子小瓦甌盛水熟煮候冷取出沙鉢內爛
杵細布兜緊絞出如稠糊安在別器內以藥末亭
分同杵細軟丸粟粒大取諸積每服拾伍丸或伍
丸或貳拾壹丸至參拾叁丸並用淡薑湯泡冷飯
取汁小盞五更初空心送下通利三五行以勻氣
散止補治積吐有醋醜氣每服叁丸至伍丸用淡

薑湯入米醋少許候溫空心下

水晶丹治驚積食積蟲積腹脹煩啼心惡食減面

黃並宜通利此藥有頑積驚重風緊涎多熱極乃

可服非常用之劑及急驚後風痰未盡免生癡疾

宜再投

南星剉作小塊湯煮少時半夏湯泡去滑滑石肆錢

輕粉伍拾淨蕪荑貳伯巴豆伍拾粒去

次又去心膜作兩半水者少時晒乾碎切

右前三味焙為末拌和輕粉外蕪荑巴豆同碎切

在乳鉢內細杵入前藥末再拌勻如烏犀丸內製

格霜取積

糊丸麻仁大每服拾伍丸至貳拾伍丸或參拾伍丸糯米湯泡葱白取汁小盞五更初空心下過五行進勻氣散調補下風痰淡薑湯空心服聚寶方聖餅子取一切積及虛中積下風涎藥取病甚穩全不搜攪

輕粉各肆錢粉霜各肆錢石鷲子大者貳枚先為細末

延胡索大者貳拾捌箇為末

右四味同研勻滴水和丸如太棊子大仍放厚陰乾每服壹餅先用熱水浸軟冷漿水調下臨臥更深服後急漱口此藥只取積滯並不損氣更臨時

加減若下驚積則每料更入朱砂生龍腦各壹錢
重小兒一餅作四服或便捏成小餅子

吉氏追魂散 治果子傷積

白丁香

輕粉

官桂 去麤皮

右為末冷水調下半錢睡時服來日取下所傷物
用異功散煎紫蘇木瓜湯調三服和氣見異功散方
沉香檳榔丸 和脾助胃進食清神寬胸快膈順氣
調中悅顏色壯筋骨理面帶痿黃肌膚瘦弱過食
生果停寒在裏乳癖腹脹作疼及吐利瘡腫瘡後
諸疳蟲積

沉香

檳榔

檀香

南木香

丁皮

三稜

神麴 炒

莪茂 炮

麥芽 洗炒

厚朴 刮去麤皮薑汁炙

蒼朮 米泔浸剉炒黃

史君肉 剉瓦上焙乾

青皮

陳皮 各去白

縮砂仁

益智仁

淨香附

枳殼 去穰炒煉

良薑 製各半兩

甘艸 炙壹兩半

右除前五味不見火餘十五味剉焙仍同沉香等
為末水煮麵糊丸麻仁大每服參拾丸至伍拾丸
温米湯無時送下兒小不能吞嚥煉蜜丸如芡實

大每以壹丸至貳丸温湯化服

集驗蓬朮丸 治乳食不化心腹脹滿一切所傷

三稜 莪茂並煨 淨陳皮

淨香附炒 蘿蔔子炒各半兩 砂仁

淨青皮 淨枳殼麩炒 胡黃連

蘆薈各叁錢 胡椒貳錢半

右細末糊丸黃米大每叁拾丸加至肆伍拾丸温

米飲下日三服忌生冷硬物

乳積其候但是吐下乳來有酸臭氣因啼叫未已遽

與乳喫停滯不化而得茅先生先用丁香散吐瀉調

胃後下牛黃丸取下妳積後下勻氣散不乳食常服健

脾散不乳食即愈 聖惠乳癖之候面色青黃發歇壯

熱吐乳多睡口内生瘡漸漸黃瘦腹內結塊不散由

乳母食飲無常醉飽過度便即乳兒或乳母偏卧一

向乳兒不能迴轉兒亦睡着乳滯偏于脇下因茲結

聚成塊而痛者是也

聖惠京三稜散 治乳癖結實或有滯惡停積不化

令兒日漸羸瘦面色痿黃春夏多發不欲乳食

京三稜 川大黃微炒 檳榔

鼈甲 赤茯苓各半兩 枳殼麩炒微黃貳錢半

右搗羅為散每服壹錢水壹小盞煎至五分去滓

分為二服日三四服逐下惡物為度

張煥三稜散

治小兒乳癖結實不瘥

京三稜炮剉

赤茯苓

當歸洗焙

木香

鼈甲醋炙黃去

枳殼麩炒

白朮各半

右搗羅細末每服壹錢水壹盞入生薑柒片煎至五分去滓放溫時時與服

聖惠化癖丸

治乳癖結塊久不消化諸藥無效

巴豆霜半兩

膩粉

朱砂各壹錢

黃鷹糞貳錢

硃砂

雄雀糞各壹分

右件都研如粉用糯米飯和丸如黍米大一歲兒每服空心煎皂莢仁湯下貳丸取下惡物為度

丁香化癖散丹治乳癖

白丁香

蜜陀僧

硫黃已上各

硃砂伍分

輕粉少

右研細末每一歲兒服伍分男病女乳調女病男乳調出下黑糞為度後用通膈丸泄之

二丁丸見疳門

青礞石丸 治證同前

黃

力斗八

頁七

硫黃 叁錢

青礞石

五靈脂

鍋底黑 各壹錢半

白丁香 壹錢 去土

為米飯丸菘豆大捻餅子每服貳拾餅溫水下

玉訣銀白散 生胃氣取下後宜服此方

人參

茯苓

甘草 炙

白朮 炒 麥麩

白扁豆 去皮

藿香葉

右各等分末壹錢紫蘇湯調下

外治

張氏治小兒妳脾方

用芫花 壹兩醋浸 叁日淨洗 大黃 兩半 為末入蒜壹斤同藥末

研爛勻男左女右用藥塗在乳母手心熨擦癖上

如聞得患人口中出藥氣即時取了立効

董氏家傳治小兒妳脾極効方

紫河車 貳兩 寒食麵 叁兩

右同為細末每用壹匙許水調塗足心病在左塗

左病在右塗右塗於紅帛上縛之良久其病大便

中下去救人多矣大便盡洗去

孔氏家傳治小兒妳癖方

右用蜜陀僧不拘多少研極細以大蒜自然汁調

稠稀得所塗於有妳脾處據其大小周遍又不可

塗之太過須更候兒口中有蒜氣息即是藥透子

細以手揉之覺妳脾似消及五六分即用温漿水洗去切須量度不可令消盡恐藥毒損氣也如未消藥先乾即以温水潤之

譚氏殊聖治月裏孩兒妳癖方

紫河車草 人參各等分

右為末用好醋調拍成餅子如大錢大如左畔有癖者藥貼左畔脚心用緋帛扎乾後見效左右一般使藥

食積 肚硬而熱於他處或瀉或嘔因飲食過飽飽後即睡而得茅先生用牛黃丸取積後用勻氣散調理

常服萬靈丸即愈 錢氏消積丸真珠丸方見前

快膈消食丸

砂仁 淨陳皮 三稜

莪茂 神麴 麥蘖各半兩

淨香附子另炒壹

為末糊丸如麻子大食後白湯下看輕重却用下積藥一方加製枳殼

氣積 其候面色黃白不進食腹痛天矯啼叫利如蠟渤此因榮衛不和二氣乖忤日久得之 茅先生用萬靈丸勻氣散醒脾散建脾散相夾調理

秘錄治小兒氣癖取三稜針作羹粥以米麩爲之與乳母食每日取一棗大與兒喫亦得作粥與羹熱食之治小兒十歲已下及新生百日無問癩執無辜疔癬等皆理之妙不可言

中脾積面黃如土色或面帶虛浮臍上微痛肚皮熱飲食減少纔食便言臍上及腹中痛所食不化頭微熱此因先食硬物或冷物所傷在脾治之先下青金丸前取下脾中積後用勻氣散醒脾散調理常服健脾散萬靈丸卽瘳

驚積曾有時時泄清水如生米汁是受傷而復有積

煩悶啾唧常以生嗔名爲驚積先解驚後理積解驚五苓散或百解散理積三稜散或烏犀丸及三解散炒神麩生薑煎湯調服醒脾散沉香檳榔丸寧驚化積壯氣和胃仍節冷乳自然平治

莊氏紫金丸 治大人小兒因驚積聚黏滑毒物在脾胃累曾用藥取不下變成虛中積大人喫食吐逆心腹脹滿夜有虛汗日漸瘦惡用薑棗湯下米丸婦人血氣米飲下伍丸至米丸小兒驚積體熱困重目不開用黃連甘草桃仁薄荷湯化臍粉壹字許下一歲上三歲下叁丸小兒只可壹丸貳丸

積

力斗八

百九

蝎稍參米

犀角末

銀末

朱砂各壹錢

右研極細末用水麵糊為丸菜豆大依前湯使

莊氏軟金丸 治驚疳下積聚

青黛

膩粉

胡黃連

麝香各貳錢半

寒食麵參錢

史君子參箇

天漿子參米

右七味研勻滴水丸梧桐子大每服壹丸用金銀

薄荷湯化下

劉氏桃紅散 治小兒驚積疳積常服進食面如桃

花

馬牙硝

朱砂

茯苓

人參各等分

右末之二歲服貳字一歲壹字三歲亦貳字四五

歲參字新汲水入少蜜調下蜜水約盞內參分許

湯氏云驚癇須用礬石藥方可治之

虛中積其候渾身微熱不思飲食昏昧神緩抱着一

似睡未覺肚熱足冷者多因吐瀉大病及攻擊之後

而得此候茅先生先用青金丸取積後用勻氣醒脾

散調理常服萬靈丸保童丸即愈

王先生靈砂丹 下虛中積藏府虛滑泄瀉久經取
轉裏急後重久積惡痢暴瀉久不止神效

通明礪砂 壹錢 顆塊辰砂 通明有墻壁者 貳錢半各細研

右二味衮研極細用黃蠟半兩先於盞內鎔化入
去皮全巴豆叁柒粒煎候巴豆紫色為度漉豆出
細研入前一味再研勻於黃蠟內三分取一再鎔
成汁傾藥入內急攪令勻刮入甕合收之每服暴
瀉惡痢旋變叁丸如菜豆大濃煎艾湯先呷三五
口然後吞下水瀉冷水吞下如取積每服叁丸如
梧桐子大濃煎甘草湯放冷吞下臨卧服其久積

藥隨積下其小可不動便安

按既是虛即不宜用峻劑取積仍須用四君子益
黃散之類相兼服之

實積其候大便不通風毒瘡癰喉閉炸腮咽中涎響

茅先生先用奪命散驚急吐下熱涎後用勻氣散醒脾

散調理常服牛黃膏天竺黃散並實熱鎮心丸即愈

積痛仲陽云積痛口中氣溫面色黃白目無精光或

白睛多及多睡畏食或大便酸臭者當磨積而痛自

除宜下積丸甚者白餅子下之後和胃氣用白朮散

渴小沉香丸感應丸治之又有食積肚痛有熱者芍

黃

藥甘草湯腹加乾葛吐者加半夏生薑或加枳實亦

小沉香丸 和中順氣進食消痰効

砂仁 蓬茂各肆錢煨

船上丁香皮肆兩 香附子去毛炒壹兩捌錢

甘松去土叁兩陸錢 益智仁微炒壹兩貳錢 甘草炙壹兩肆錢

右為細末湯浸蒸餅丸如桐子大每服叁拾或肆

拾丸食後溫薑湯下或嚼破更妙積寒熱

良方妙香丸治小兒虛中積潮發寒熱心腹脹滿疼痛

辰砂壹兩

牛黃

生龍腦

麝香各貳錢半

金箔拾肆片

粉霜

膩粉各壹錢

黃蠟貳兩

巴豆肥者壹伯貳拾粒

右丸如彈子大量虛實加減龍腦漿水下夜半後服藏虛即以龍腦米飲下每服叁丸如小豆欲藥勢緩即按令扁疾堅者加至拾丸皆以針刺作數孔以行藥力小兒取積丸如蒸豆治小兒吐逆尤効此藥最下胸中煩及虛積

嬰孺治小兒自下後得寒熱血結成癖氣在左脇下或寒飲或冷食積聚氣動胸心留熱不下食飲闇瘦

積 力十八 百九十一

宜先服少飲子散氣下食後服紫雙丸去宿積自充
溢也飲子方

柴胡

茯苓

人參

白朮

龍甲

醋塗炙香
熟各半兩

右切如豆大水貳升煮伍合空心分温叁肆服相
去如人行一二里久再服食粥將息

痲疹茅先生論小兒生下五箇月日上至七歲有結
痲在腹成塊如梅核大來去或似卵大常吐疼痛者
亦分數類在左脇下痛者名痲氣在右脇下痛者名
痲氣下蓬莪茂散夾建脾飲不乳食與服即愈如見面

黑眼直視瀉黑血鼻口冷手足冷不進食者死 錢
氏論小兒病痲由乳食不消伏在腹中乍涼乍熱飲
水或喘嗽與潮熱相類不早治必成疳以其有痲故
冷兒不食致脾胃虛而熱發故引飲過多即蕩滌腸
胃亡失津液胃不能傳化水穀其脉沉細益不食脾
胃虛衰四肢不舉諸邪遂生鮮不瘦而成疳矣 論
痲為潮熱云曹宣德子三歲面黃時發寒熱不欲食
而飲水及乳不止眾醫以為潮熱用牛黃丸麝香丸
不愈及以止渴乾葛散服之反吐錢曰當下白餅子
前見後補脾乃以滑積丸磨之前見此乃痲也後果愈何

書

力斗八

百九十五

以故不食但飲水者食伏於管內不能消致令發寒服止渴藥吐者以藥衝脾故也下之即愈 仁齋曰癖者血膜包水則癖於脇旁時時作痛也惟癖為能發潮為能生寒熱故瘡家中脫多畜黃水日久而復結癖寒熱不已有是疾者以此小兒藏府和平榮衛調暢則津液自然流通縱使多飲水漿不能為病惟乳哺失調三焦關隔以致水飲停滯腸胃不能宣通如冷氣搏之則結聚而成癖輕者用積滯木香丸重者用取癖丸 曾氏曰嬰兒始生稟賦未完失於襁保之不謹乳哺之不節外為六淫侵襲內因五藏氣

虛冷積久停於脾不能剋化結成癖鬼突於脇下或左或右俗曰龜癆其疾皆因積滯蘊作致有寒熱或腹壯疼痛或晝涼夜熱治療之法氣實者亦須溫正胃氣後用烏犀丸或水晶丹下之如過一三次即以稀粥略止候所作形證消盡方投補益之劑氣虛者先與調脾胃固真元神色稍正飲食進多如前法下之若太虛甚用三稜散化癖丸漸消之順適陰陽以平為期然先補後瀉行迎奪之法則取去陳寒冷積若面黃唇白髮豎肌瘦乃為虛極不可輕下但徐徐用藥消化調理為上若兒小者更令乳母常服藿香

飲使藥從乳過亦少助也

茅先生蓬莪散 主小兒疝氣一切氣疾

蓬莪散 青橘皮 益智 各半兩

木香貳錢 糯米壹兩

右為末每服壹大錢用陳米飲調下日進四服

聖惠鼈甲散

用鼈用壹枚全醋炙右搗細羅為末每服壹錢以

童子小便壹小盞煎至任分量兒大小分減服之

日三服神効

化癖丸曾氏主癖結氣塊在脇之間日久不化作寒作

熱腑臟不調米穀不消哽氣喘促胸腹滿悶及

南木香 陳皮去白 莪茂炮剉

三稜炮剉 青皮巴豆玖粒去皮膜

枳殼去穰 檳榔朱味各半兩 白朮

丁香貳錢 細辛燒存性

右除木香檳榔丁香不過火餘七味焙同前三味
為末麩糊丸作麻仁大每服拾伍丸至貳拾壹丸
清米湯空心下有寒熱往來以柴胡飲間服忌油
膩生冷

木香丸 治吐乳瀉乳其氣酸臭由啼叫不已以乳
與兒停滯不化是為乳積肚硬熱渴吐瀉由飲食
無度過飽即睡是為食積腹痛啼叫利如蟹渤由
觸忤其氣榮衛不和淹延日久是為氣積瘧後肚
內結癖成塊

木香

木香丸

木香

蓬茂

砂仁

青皮

去白

硃砂

研細

代赭石

研各
貳錢

大丁香

川巴豆肉

紙壓去油
各壹錢

右為細末和勻飛白麵糊為丸麻子大每服貳參
丸乳傷乳汁下食傷米飲下

取癖丸

峻劑非實積危甚不用

甘遂

微炒

芫花

炒

牽牛

半炒半生
研取末

辣桂

蓬茂

青皮

去穰

木香

桃仁

浸去
皮炒

五靈脂

各貳
錢

右為細末入去油巴豆壹錢研和十分細飛麵糊
丸麻子大每服壹貳丸薑蜜煎湯灌下泄後冷粥
補仍和胃

換癖丸

治乳癖穀癥腹中塊痛

木香

青皮

去穰

蓬茂

代赭石

火煨醋
淬細研

生地黄

各叁錢

巴豆

壓去油
壹錢

右為細末醋麵糊丸麻子大每服貳丸食後擦薑
泡湯下

外臺必効療大人小兒癖方

右取車下李仁微湯退去皮及雙仁與乾麵相半
搗之為餅如猶乾和淡水如常搜麵大小一如病
人手掌為兩餅微炙使黃勿令至熟空肚食壹枚
當快利如不利更食壹枚或飲熱粥汁即利以快
利為度至午後利不止即以醋飯止之利後當虛
病未盡者量力一二日更盡二服以病盡為限小
兒亦以意量之不得食酪及牛馬肉無不効但病

重者李仁與麵相半輕者以意減之後服者亦任
量力頻試差神効

聖惠前胡丸 治小兒癖氣腹痛

前胡

桔梗各半

赤芍藥

赤茯苓

枳殼

川大黃

當歸

郁李仁去皮微炒

鼈甲壹兩

右件搗羅為末鍊蜜和丸如菉豆大三歲兒每服

空心以粥飲化破伍丸服量兒大小加減

嬰孺治小兒閉癖身體壯熱頻服冷藥冷氣漫心成
癖下焦又冷腸結大便難方

續

力耳

百七

茯苓

川芎

鼈甲炙

枳殼炙

芍藥各貳分

柴胡肆分

右劉以冰壹大升參合煎至參合空心為二服去

知人行五六里再服忌葷子

朱氏知母丸 治小兒腹痛不調兼癖氣

知母陸分

鼈甲炙肆分

牡蠣

枳殼炒各叁分

大黃拾貳分紙裏煨熟

右件為末蜜丸如棗豆大米飲下伍丸大人以意

分減服

治七八歲兒多睡或時壯熱日加羸瘦身雖不痛有

時痢膿嘔逆不食是癖氣之候其疾似瘧疾人多不識此患方

柴胡

黃芩各壹分

枳殼炒兩片

甘艸

知母

芍藥各貳分

大訶梨勒煨取皮壹箇小者用貳箇

右件為末水壹盞煎服

針灸 小兒癖氣久不瘥者灸中脘一穴章門二穴各

柴壯章門在大橫外直臍季脇肋端側卧曲上足伸

下足舉臂取之 中脘在上脘下一寸臍上四寸居

心蔽骨與臍之中從臍筋下取病人四指定穴併灸

積 力子

臍後脊骨中貳柒壯無不驗

渴

潔古論渴有三種 一者實熱積於心脾煩躁大渴
 引飲宜白虎湯謂不因吐瀉大病忽然而作 二者
 因久病或取轉過度致脾虛引飲宜白朮散 三者
 因患濕熱病熱結膀胱小便不利大渴引飲有表裏
 證者宜五苓散主之 百問云小兒唇紅如丹即發
 渴紅甚焦黑則危篤若三焦虛煩作渴者用三黃湯
 傷寒後唇口焦者用白虎湯竹葉湯瀉痢作渴者用
 四苓散之類常治暑積心脾煩渴引飲者用白虎湯

下利脾虛作渴用七味白朮散熱結膀胱小便祕渴者用五苓散上焦虛熱者用四君子湯膏粱積熱者用清胃散脾胃積熱者用瀉黃散中氣虛熱者用異功散腎水虛熱者用六味丸其餘疳證發熱各詳本證胎稟所致者當各審其因若誤用寒涼降火脾胃復傷則腹脹而為敗證矣

實熱白虎湯 發熱

三黃湯

黃芩

黃連

黃蘗 各等分

右水煎服

聖惠黃連散 治小兒心肺積熱渴不止咽喉乾痛

黃連 去鬚

射干

川升麻

白茯苓

麥門冬 去心

玄參

甘草 炙微

桑根白皮

黃芩 各半

右件藥搗麤羅為散每服一錢以水一小盞入青竹葉七片煎五分去渣入蜜半合更煎一兩沸放溫時時與兒呷之

麥門冬散 治小兒心肺熱壅口渴不止

麥門冬 去心

梔子仁

犀角 屑

知母

甘草 炙

黃芩 各半

同實熱

刀斗八

三

右爲散每服一錢水一盞入竹葉七片煎五分不計時候服亦可量兒大小分減服

聖惠銀飲子 治小兒熱渴不止

銀 伍兩

石膏 寒水石

蠶蛹鹽 各貳兩

右件藥以水三升入銀石三味煎至一升去銀石次下蛹鹽煎至七合去滓每服半合不計時候溫服之量兒大小加減

菰蘆根散 治小兒熱渴不止煩悶

菰蘆根 叁分

黃芩 知母 各生兩

右件藥搗羅爲散每服一錢以水一小盞入小麥粟米一百粒煎至五分去查不計時候溫服量兒大小以意加減

又方

菰蘆根 叁分

黃芩 半兩

小麥 半合

右件以水三盞煎取一盞去查不計時候服量兒大小加減

又方

生葛汁

竹瀝 各貳合

右件汁相和令勻不拘時候服半合量兒大小加減

茅先生胡黃連散

治小兒諸渴及疳渴解諸般熱

胡黃連

麥門冬

乾葛

玄參

甘草炙

枇杷葉炙去毛

右各等分爲末每服一錢水七分一盞生薑一片同煎五分後放蜜三五滴同煎至四分溫服

虛熱 聖惠蘆根散

治小兒壯熱不止

蘆根

黃耆

人參

甘草炙

麥門冬

知母各半兩

右件麤羅爲散每服一錢以水一小盞入竹葉七片粟米一百粒煎至五分去渣不計時候溫服量

兒之太小以意加減

嬰孺麥門冬湯

治小兒夏天服藥大下後胃中虛

熱渴欲飲水

麥門冬

甘草

龍骨各肆分

枳實

黃芩

茯苓

人參各叁分

右以水四升煮取一升半爲三服服此湯後渴不差取水芹煮濃汁飲之間湯服之甚者恣意與之服

蘆根飲子

治小兒壯熱渴兼吐不止

得虛熱

切斗

三

生蘆根切伍合

淡竹青皮

人參各捌分

桔梗伍分

知母拾分

粟米叁合

右以水五升煮之一升半量兒大小與之服

菰蘆湯 治小兒熱渴或吐下後虛熱渴

菰蘆伍分

黃芩叁分

知母

蘆根各貳分

生米貳合

麥門冬叁合

右切以水五升煮二升如飲漿水度服之

脾虛錢氏白朮散

人參切去頭

白朮

木香

白茯苓去皮

甘草剉炒

藿香葉各壹兩

乾葛貳兩

右為麤末每服一錢至二錢水一盞煎至五分溫服如飲水者多煎與之無時

海藏云治發渴四君子加乾葛枇杷葉先以棗湯煮通炙乾用

各等分入木瓜少許同煎服亦治虛渴法也

濕熱五苓散方見驚

小方脉論小兒渴病喫水太多腹脹泄瀉此病得之心藏熱心與小腸合小腸亦受熱小腸既熱其氣上行奔胃口致孩子喫水其水待奔小腸被小腸氣熱滲泄不及轉入大腸如治之先下淋藥後下涼心藏

渴泄濕熱

藥然後止渴乃効 按此亦五苓散證也

小方脉論治渴先下淋藥方

鬱金 滑石各壹兩 早蓮子半兩

右件為末每服半錢煎葱湯調下急進三服凉心

藥

小方脉論欲止渴次凉心藏藥方

烏賊魚骨 海浮石各壹兩 蒲黃炒半兩

右末每半錢用枇杷葉煎湯下

黃疸

錢乙論黃相似云身皮目皆黃者黃病也身疼臍背強太小便澀一身盡黃面自指爪皆黃小便如屋塵色看物皆黃渴者難治此黃疸也二證多病於大病後別有一證不因病後身微黃者胃熱也大人亦同又有面黃腹大食土渴者脾疴也又有自生而身黃者胎疸也古書云諸疸皆熱也深黃者是也若淡黃兼白者胃怯胃不和也 難知云色如熏黃乃濕病也一身盡痛 色如橘子黃者黃病也身不痛 乾

黃疸 大更不道 刀斗八 三五五

黃燥也小便自利四肢不沉重渴而引飲者梔子葉
皮湯 濕黃脾也小便不利四肢沉重似渴不欲飲
者大茵陳湯 大便自利而黃者茵陳梔子黃連三
物湯 往來寒熱一身盡黃者小柴胡加梔子湯
潔古云陽黃則大小便赤澀身熱是脾土與心火相
搏為陽病法當先利小便後下大便 陰黃則清便
目調面目及身黃四肢冷是脾虛不能制腎水當用
益黃散下使君子丸 益黃散方見脾史 凡治黃病
腹脹當用茵陳蒿湯調下五苓散若欲利小便去大
黃欲利大便則加大黃之類有陽證可服謂面赤飲

水者是也 湯氏云身疼臍背疼大小便澀皮膚面
目齒爪皆黃小便如屋塵色利者易治澀者難治宜
服五苓散加茵陳煎湯調又宜服導赤散加茵陳煎
或身熱宜服小柴胡湯甚者服承氣湯 曾凡黃病
者不可一槩而論標本不同證治亦異乃脾胃氣虛
感受濕熱鬱於腠理淫於皮膚蘊積成黃熏發於外
故有此證或脾胃虛弱內因癥癖攻之而成然疴瀉
亦主皮黃髮豎肚大青筋肌肉消瘦外無色澤身必
發黃此又本於疴病而作致有是證治法若感濕熱
而得身黃如煙熏之色以咬咀五苓散加麻黃水薑
黃直

黃直

切斗八

音六

煎投汗之即愈或用茵陳蒿湯調下五苓散亦好
若得於疳癖者其形如黃土相類以醒脾散慢驚化
癖丸積醒脾快胃磨積理疳胃氣既和飲食倍進運
化精微榮養百骸灌溉臟腑五色各見於本部精華
乃形於面貌其黃自除薛經曰中央黃色入通於
脾故黃疸者脾之色也夫人身之神貴於藏而默用
見於外則內虛矣其證皆因脾氣有虧運化失職濕
熱留於肌膚發而為疸錢仲陽所謂身痛背疆二便
澀滯遍身面目爪甲皆黃是也小便褐色者難治療
法宜固脾為先如專用剋伐寬中澹泄利水之藥則

鮮有不至危者矣若初生及百日半年之間不因病
而身黃者胃熱胎黃也腹大食土為脾疳兼作渴飲
冷者用瀉黃散脾小便不利者茵陳湯病後發黃肢
體浮腫者用白朮散渴清便自調肢冷嗜臥者益黃
散脾身澹黃白者調中丸腹痛及補中益氣湯虛熱加茵
陳身熱膈滿肌膚面目皆黃者加減瀉黃散辨其所
以若閉自壯熱多哭不已大小便赤澀口中熱氣者
迺妊娠厚味胎毒之候也母子並服生地黄湯胎黃仍
忌酒麪五辛熱物設不自慎悞傷脾土急則變為驚
風吐瀉緩則肢體浮腫小便不利眼目障閉多成疳

黃疸
大更不道
切中
三

疾矣又有脾虛發黃者當於脾胃中求之

陽黃諸方

茵陳湯

治陽明病發熱汗出者此為熱

越不能發也但頭汗出身無汗齊頸而還小便不利渴引水漿者此為瘀熱在裏身必發黃傷寒七八日身黃如橘色小便不利腹微滿者宜此

茵陳蒿 嫩者壹兩

大黃 叁錢

梔子 大者叁枚

右剉散以水壹大盞先煎茵陳減半次內二味煎

捌分去滓溫服日三服小便當利如皂角汁狀色

正赤一宿腹減黃從小便中去也量大小加減

梔子檿皮湯

治傷寒身黃發熱

梔子 捌枚

黃檿 兩壹

甘草 半兩

右剉散每服貳錢水壹盞煎陸分去滓溫服

犀角散 治小兒黃疸一身盡黃

犀角 兩壹

茵陳

乾葛

升麻

龍膽州

生地黄 各半兩

寒水石 末錢半

右剉散水煎服

一方治小兒忽發黃面自皮肉

盡黃葛根搗汁和蜜服

連翹赤小豆湯

治小兒傷寒發黃身熱

麻黃 去節

連翹

甘草

生薑

赤小豆

生梓白皮各貳兩

杏仁

肆拾壹箇

大棗

拾貳枚

右剉散，白水煎。又一方生小麥苗搗汁服之，立効。

羅謙甫治一小兒，季夏身體蒸熱，胸膈煩滿，皮膚如清橘之黃，眼中白睛赤黃，筋骨痿弱，不能行立。此由季夏之熱，加以濕氣，而蒸熱搏於經絡，入於骨髓，使臟氣不平，故脾遂乘心，濕熱相合而成此疾也。蓋心火實則身體蒸熱，胸膈煩滿，脾濕勝則皮膚如清橘之黃，有餘之氣必乘已所勝，而侮不勝，是腎肝受邪，而筋骨痿弱，不能行立。內經言脾熱者色黃而肉蠕。

動又言濕熱成痿，信哉斯言也。所謂子能令母實，實則瀉其子也。蓋脾土退其本位，腎水得復，心火自平矣。又內經曰治痿獨取於陽明，正謂此也。加減瀉黃散主之。

加減瀉黃散方

此藥退脾土，復腎水，降心火。

黃連

茵陳各伍分

黃蘗

黃芩

山梔

茯苓各叁分

澤瀉貳分

右咬咀，都作一服水膏，蓋煎至陸分，去滓，稍熱服。食後一服，減半，待五日再服，而良愈。

黃連

黃芩

黃蘗

經云土位之主其瀉以苦又云脾苦濕急食苦以燥之故用黃連茵陳之苦寒除濕熱為君腎欲堅急食苦以堅之所以黃檗之苦辛寒強筋骨為臣濕熱成煩以苦瀉之故以黃芩山梔子之苦寒止煩滿為佐濕淫於內以淡泄之故以茯苓澤瀉之甘淡利小便導濕為使也

張漢蘆根湯 治黃病

蘆根 壹兩 剉

茵陳

山梔子

黃芩

甘草 四味各半兩

右件搗羅為細末每服壹錢水捌分入薄荷參葉

煎至伍分去滓放溫服

子芩散 治黃病

黃芩

瓜樓根

茯神 各壹兩

甘草

胡黃連 各半兩

右件為細末每服壹錢水捌分煎五分去滓溫服

茵陳湯 治小兒發黃等病身如橘色

山茵陳

山梔子仁 各壹兩

川大黃

川芒硝

木通

寒水石 各半兩

右煎服法同前

三黃散 治小兒黃疸

黃疸

力中

三石

川大黃劉徽炒 黃芩

黃連去鬚 各

右煎法同前食後服

雙連丹 治疸病

川黃連去鬚 胡黃連各壹兩

右件搗羅為細末用黃瓜壹枚去穰留一小蓋子入二藥末後以蓋子蓋定用麵裹慢火燒令麵焦去麵搗熟如菘豆大每服柒粒至拾粒溫水下量兒大小以意加減

陰黃諸方當歸散見悲哭門

當歸丸 治小兒冷熱不調大便青黃心腹多痛或

腹中氣滿或時嘔逆不欲飲食加枳殼

當歸 白芍藥 人參

川芎各叁錢 甘艸炙 白朮各半兩

右為末水煮麵糊為丸如麻子大三歲兒每服拾

丸粥飲下日叁服量大小加減冷甚加陳皮

小半夏湯 治黃疸小便色不異欲自利腹滿而喘

者不可除熱熱去必噦

半夏湯洗

右剉散每服叁錢水壹盞薑拾片煎柒分去滓溫服

疹濕 茯苓 滲濕湯 治小兒黃疸寒熱嘔吐而渴欲飲水身體面目俱黃小便不利不得安卧不思飲食

茯苓 伍分
澤瀉 叁分
茵陳 陸分

豬苓
黃芩
山梔

黃連
防已
白朮

蒼朮
陳皮
青皮

枳殼 各貳錢

右咬咀水煎徐徐溫服

消食消食丸 治小兒脾胃不和常服寬中快氣消

乳食正顏色

確砂仁
陳皮
三稜

蓬茂
神麴 炒
麥芽 炒

香附子 米泔浸炒
枳殼
檳榔

烏梅 各半兩
丁香 貳錢

右為末麵糊丸棗豆大食後紫蘇湯下貳叁拾丸
丹溪治小兒吐瀉黃疸方

三稜
蓬茂
青皮

陳皮
神麴
麥芽

黃連
甘州
白朮

黃疸
大便不通
刀針

茯苓各等分

右為末溫熟水調服若傷乳食吐瀉加山查時氣吐瀉加滑石發熱加薄荷

和胃淡黃白者胃不和也平胃散不乳調中丸腹痛

渴者白朮散渴

搐鼻瓜蒂散 治小兒忽發心滿堅硬脚手心熱變

為黃疸不急治則殺人

瓜蒂米枚 赤小豆米粒 秫米米粒

右為末用壹字吹兩鼻內令黃水出餘末盡水調服之得吐出黃水即愈一方瓜蒂壹兩赤小豆肆兩

每壹錢溫湯調服服後即卧當吐清黃汁為效虛者不宜服

千金翼秦王九疸散兼治大人小兒方

胃疸食多喜飲枳子仁主之 心疸煩心心中熱

茜根主之 腎疸唇乾葶藶子主之 脾疸尿

赤出少惕惕恐藜蘆主之 膏疸飲水尿多秦椒

瓜蒂主之椒汁膏 舌疸渴而數便鍾乳主之

肉疸小便白凝水石主之 髓疸目深多嗜卧牡

蠣澤瀉主之 肝疸胃熱飲多水激肝白朮主之

右一十一味等分隨病所在加半搗篩為散飲服

大更不通

力半八

二五三

五分匕日三稍稍加至方寸匕見小者量與之

黑疸千金翼治大人小兒黃疸變成黑疸醫所不能

治方

右用土瓜根搗汁壹升頓服之病當從小便出小兒分減服葛氏亦治小兒四歲發黃者

千金翼治大人小兒黃黑等疸方

當歸 叁兩

桂心 陸兩

乾棗 拾柒枚

麥門冬 壹升

大黃 壹兩

茵陳

黃芩

黃芪 壹本無

乾薑

茯苓

芍藥

黃連

石膏 碎

人參

甘草 各貳兩

右十五味以水壹斗煮取叁升半分肆服小兒分減服

千金翼赤苓散主黑疸身皮太便皆黑通治大人小兒

赤小豆 叁拾枚

茯苓

女萎 各陸銖

雄黃 壹銖

瓜丁 肆銖

甘艸 貳銖

右六味以水叁升煮取壹升合搗四味為散和半錢匕服之須臾當吐吐則愈亦主一切黃小兒服半字匕

山真恒
大更不通
九牛八

滯頤

巢氏論滯頤之病是小兒多涎唾流出漬於頤下此由脾冷液多故也脾之液為涎脾氣冷不能收制其津液故冷涎流出滯漬於頤也 按內經云舌縱涎下皆屬於熱而此專屬脾冷亦一偏之見張煥處冷熱各一方為得之然以流出為冷不流出為熱恐亦未確

脾

張煥溫脾丹

治脾冷病

丁香

木香

半夏

壹兩用庄
壹陸兩同

帶頂
大更不建

以

三

千金要方云小兒主國脈長又大與皆異實由大小
早公減册
古十正和必即以水壹斗煎取半升分服
百膏
人參
甘草
百兩

搗細炒

青橘皮

白朮

乾薑微炒各半兩

右件搗羅為細末煉蜜和如黍米大每服拾粒米飲下量兒大小加減

溫胃散 治脾冷流涎

丁香壹兩

肉豆蔻

半夏白礬水浸炒黃

白朮

乾薑

甘草

人參去蘆頭各半兩

右件搗羅為細末每服一錢水八分入生薑二片煎五分去滓溫服食前

脾熱

金朱丹 治脾熱多涎

金箔貳拾片研

朱砂細研水飛

半夏湯浸七遍取淨

天南星牛膽製取各壹兩

白茯苓取末

石膏細研水飛各半兩

右件都拌勻再細研用生薑自然汁和如黍米大每服十粒煎人參湯下乳後

牛蒡丹

牛蒡子壹兩

鬱金

川朴硝

枳殼麩炒去穰

皂子炒黃各半兩

右件搗羅為細末用生薑汁打白麩糊和如黍米

雜方

大每服十粒煎入參湯吞下量兒大小加減

千金治小兒口中涎出方

以白羊屎內口中

又方

以東行牛口中沫塗口中及頤上

又方

桑白汁塗之差

金米代

白米代

天南星

米

白米

大小便不通

翰林待詔楊大鄴問小兒大小便秘澀者為何答曰
 乳食失度使之四人不調滋味有貪遂乃五藏受病
 甘甜聚食鹹酸滯涎食滯留結於胃腸風壅漬癰於
 心肺氣脉不順水穀不行雖不逆於上焦即秘結於
 下部小兒不知疼痛莫說因由驚啼叫以頻頻但怒
 脹而不乳不知孩兒痛刺連臍則面色青黃但按脉
 息與治若不見病源只依外變用藥安能尅效百
 問調理嬰孩傷寒體熱頭目昏沉不思飲食夾驚來

大小便不通

方

論

大小便不通
食寒熱大小便閉澀不通煩躁作渴冷汗妄流夾積
傷滯膈滿脹急青黃體瘦日夜大熱及療傷風傷暑
驚癇客忤腎藏疝氣等熱並宜脫甲散主之傷寒亦
可服大連翹湯秘痘便加大黃神芎治小兒驚風積熱
大小便澀滯其効尤速又掩臍法用連根葱一莖不
洗帶泥土生薑一塊淡豆豉二十一粒鹽二匙同研
爛捏餅烘熱掩臍中以綿扎定良久氣透自通不然
再換一劑
神芎丸 治風熱壅滯頭目昏眩口舌生瘡牙齒疳
蝕或遍身瘡疥咬牙驚惕怔忡煩躁多渴或大小

便澀滯或積熱腹滿驚風潮搐並皆治之

- 大黃 生
- 黃芩 各貳兩
- 生牽牛末 壹兩
- 滑石 肆兩
- 黃連
- 薄荷葉

川芎 各半兩

右為細末滴水丸桐子大每服四五十九食後溫
水下方加蒲黃止血證用

錢氏郁李仁丸 治襁褓小兒大小便不通并驚熱
痰實欲得溲動者

- 郁李仁 去皮
- 川大黃 去麤皮取真者剉酒浸半兩控乾炒為細末各壹兩
- 滑石 半兩研細

右先將郁李仁研成膏和大黃滑石丸如黍米大
量大小與之以乳汁或薄荷湯下食前

犀角丸 治小兒風熱痰實面赤大小便秘澀三焦
邪熱腑臟蘊毒疎導極穩

生犀 末壹分

人參 去鬚切

枳實 去瓢切

檳榔 各半兩

黃連 壹兩

大黃 貳兩酒浸切片以巴

豆去皮壹百箇貼在大黃上紙裏飯上蒸三次切炒令黃焦去巴豆不用

右為細末鍊蜜和丸如麻子大每服一二十九臨
卧熟水下未動加丸數亦治大人孕婦無損

惠眼芍藥散 治大小便下藥不通者

芍藥

大黃

甘草 炙

當歸

朴硝 各壹分

右為末每服一大錢水一盞瓦器中煎至半盞去
滓服即通

吉氏治大小便不通方

甘草節 炮

槐花 洗各壹兩

右件末每服一錢茶半錢湯點下

又方

滑石 壹錢

壹握

右以水二碗煎至一盞溫服

大小便不通

子母祕錄用蜂房燒末酒服壹錢日再

拵臍法

海螵肆拾玖箇

葱根帶土米箇

黑豆米箇

鹽少許

握宣丸 治小兒便難燥結或服澀藥腹脹悶亂命

在須臾可用此丸不移時大小便自利

巴豆壹錢半

硫黃

良薑

附子

檳榔

甘遂各等分

右為細末粟米飯和丸如菘豆大用椒湯洗小兒
男左女右手握之用綿裹定看行數多少置藥洗

去不用即止

千金灸法小兒大小便不通灸兩口吻各一壯

大便不通

切詳

音年

大便不通

百問小兒大便祕乃是肺家有熱在裏流入大腸以致祕結不通乃實熱也當以四順清涼飲熱加柴胡熱甚者加山梔黃芩流利之其表裏俱熱者面黃頰赤唇燥口乾小便赤澀大便焦黃無汗者先解表以柴胡散傷寒汗之解後大便祕或肚疼者以清涼飲大柴胡湯承氣湯並熱皆可下之積熱者神芎丸尤妙薛因乳母或兒膏梁積熱及六淫七情鬱火傳兒為患者用清邪解鬱之劑稟賦怯弱早近色慾太

便難而小便牽痛者用滋補肺腎之劑褚氏遺書云
男子精未滿而御女以通其精則四體有不滿之處
異日有難狀之疾老人陰已痿而思色以降其精則
精不出而內敗精已耗而復竭之則大小便牽痛如
淋今童子即有此患蓋見今人所稟與古人大徑庭
矣人之氣血厚薄既殊而醫之用藥療法又豈可泥
執古方而無加減之變乎 一小兒食粽停滯大便
不通痛不可忍手足發搐用大柴胡湯調酒麩末一
錢下滯穢甚多作嘔不食用五味異功散加升麻柴
胡而愈 一小兒大便不通審乳母飲食厚味所致

用清胃散以治母熱兒間飲以一二匙而愈後乳母
感寒腹痛食薑酒之物兒大便秘結兼便血仍用清
胃散每日數匙而愈 一小兒因乳母暴怒大便不
通兒亦患之兼用加味小柴胡湯先用保和丸二服
後用五味異功散加升麻柴胡兒日飲數匙並愈
聖惠芎黃散 治小兒大便不通腹脇妨悶

芎藭 半兩

川大黃 剉微

郁李仁 湯浸去皮微炒

各參分

右件藥搗細羅為散每服一錢以溫水半盞調服
量兒大小以意分減以利為度張渙兼治大小便

不通

張銳雞峰方用麻子以水研汁飲之

幼科證治準繩集之八終

